



10331

國朝畿輔詩傳卷七

長洲陶

樑鳧薌輯

慶雲羅

旭念堂校

王崇簡

崇簡字敬哉宛平人明進士

國朝歷官禮部

尚書諡文貞有青箱堂集六十六卷

四庫全書提要青箱堂文集三十三卷詩集三十三卷王崇簡撰崇簡有冬夜箋記已著錄崇簡練習掌故為禮官嘗議祀北嶽於渾源州今其疏具在集中然其文類平近流易徐乾學序謂其厄詞調語無非仁義道德殆不免於微詞詩集以編年為次始天啟丙寅迄國朝康熙戊午蓋萊陽宋琬所刪定也

畿輔通志會 詔察明季殉難諸臣崇簡疏列范景文二十八人請予旌典薦起國史院學士

國朝畿輔詩傳 卷七

一

時子熙亦官宏文院學士

世祖曰父子

同官臣鄰希覩然肩隨齒列恐有未安因擢崇簡為禮部尚書


錢澄之序公詩文純任性情世皆仰其道隆予獨窺其情至合讀全集益知公之所以為情即為道也

周之道序公早遇寇變時懷幽憂之感其詩多流連沈鬱具才學識之長茶餘客語王文貞嘗建言帝王廟祀宜及守成

令主因列商中宗以下七人又言朱臣潘美張俊宜罷祀 詔從之公為禮部尚書年六十三以老乞休年七十依古人以每歲讀盡五經為夏課嘗作青箱堂記云階前闢露臺方丈餘夏

秋日暮父子兄弟六七人率坐臺上或述祖德旁及故舊家世之興衰以為勸戒公出身寒素父子同時官九卿享上壽乞休於

方渥之時視其子為宰相倘佯林下者十有五年一生端謹無可指摘可謂極人爵之榮者也



藍瑛圖繪寶鑒續纂敬哉大宗伯晚年游情翰墨畫山水追蹤米南宮命筆立意不落窠臼眞

右丞逸致衣鉢

紅豆樹館詩話宋荔裳安雅堂集有寄王詹尹五律二首云不見王詹事相思隔禁林傳經家

學逸求劍主恩深萬里驅車地三年避弋心瑤華如可寄一姓無夢吟自作秦亭客邊

鴻幾度飛有書常隱姓不沾衣憶在碧雲寺飽看紅葉歸此游何日再翹首向王畿案文

貞與荔裳先生交最篤緣九青司空公之舊好乙酉避亂丹陽又主荔裳諸兄名璠者家後旋

都門皆宋君璠所資給故耳

### 贈陸鞠隱翼王

陸子端雅人妙心何靜朗邁跡凌風塵托物寄幽賞吳

嚮初識面萍水慰傾仰艱難一別後此事已成往歲月

### 國朝畿輔詩傳

卷七

二

方悠悠出處各澹沉

在昔嚮上遊飄泊若浮梗錢黃與王子顧我心耿耿黃

曰攜家來相與息形影非徒喜避地得友可警省君曰

此吾師意氣如日炳旣聞黃陶菴千古在俄頃與君話

疇昔淚灑西風冷

吾旣慚用拙多君素嶙峋儵然來京華慘澹向時人相

逢如夢寐酌酒相苦辛爛漫經術業沈靜語默眞獨歌

繼騷雅無累清心神時抱籬下興惟菊爲相親

癸丑四月八日兒熙治具約朱眉山俞彙嘉許元

方周光福趙澹園表弟張涵初壻張左人孫喬

瞻孫壻章元伯四弟毅菴兒標然照燕然姪壽  
孫克善姪孫克忠飲芍藥圃放歌

豐臺芍藥競芳晨一雨鎮日愁殺人朝來恰喜當初霽  
妍光艷影別樣新移樽隔夜相招呼弟兄子孫借至親  
更有朋輩多逸興揚鞭偏不顧泥濘眉山老人坦懷多  
稟嘉俞子復超勝樸橄真率周與許澹園公子何凝定  
好花旨酒值良友左勸右酬杯在手試看前日圃間花  
今日好者是前否眼中百事率如此誰是千秋真不朽  
遂初堂翫芳亭廉公萬柳昔青青數百年來跡湮滅空  
餘白日照烟汀獨有黃鸝聲似舊共君好向醉中聽

國朝畿輔詩傳

卷七

三

送沈仲連南遊

憶昔聯鑣日今餘四十年老來何又別欲去說從前酒  
散燕山月鴻迷江渚烟惟期歸棹早笑讀遠遊篇

送俞彙嘉揚州別駕

多君能尙志卓犖負英姿老友期同學愚兒解說詩晴  
窗花影下雪夜漏聲遲分袂難堪處相看淚各垂

元宵

元夕風光好開樽玩歲華檐楹懸璧月几席落銀花鼓  
打喧童稚燈來出內家宵深難得寐梅影半窗斜

秋夕

滅燭憐虛白開簾待月明疎籬三徑晚幽砌一蛩鳴往  
事隨年積秋懷入夜生最宜岑寂裏枯坐學忘情

月宿來青軒

來青軒上宿此夕獨淒清落葉分泉響空山媚月明深  
林疏磬歇平楚遠烟橫倚檻不成寐荒寒入四更

香山深秋

青碧蒼茫裏高巖落磬音門開黃葉亂逕轉白雲深古  
殿留殘照幽花媚僻岑泠泠泉咽石秋色滿疎林

歲暮雜興

歲序忽驚晚開樽豈厭頻漫思身外事且對眼前人錦

國朝畿輔詩傳

卷七

四

瑟宜銀甲梅花倩繡茵歲華休浪擲欲睡復逡巡

夜坐聞箏

靜夜傳幽響纖微去住音因風來曲牖隨月越疎林塞  
北淒涼調閨中宛轉心平生無限意入耳恨何深

喜錢飲光至

栖栖寒鳥下庭枝老境偏興良友思常憶兵戈驚散去  
每逢故舊問歸期一朝來我荒齋坐爲簡懷君昔日詩  
濁酒淹留聊盡醉陶然且莫說當時

陳緯雲俞彙嘉青箱堂讌集

莫笑年衰逸興稀嘉賓折柬集荆扉草堂談讌無拘忌

麟閣勲名有是非把酒幾回懷往事翦燈相與坐春暉  
杏花時節西山好應爲諸公掃石磯

山遊道經灰厰甲申初夏避寇過此

盧溝西去漸無塵曲折坡陀下上頻古岫尙然懸碧落  
荒村依舊倚嶙峋難言今日重經路不是當年痛哭人  
垂老未衰登頓興此生合與白雲親

戒壇憶天啟乙丑秋金卿非于司直借遊

昔曾借友到禪關五十年來彈指間卻幸重遊存白髮  
相看不老是青山巖松未改虬螭舞秋葉仍如錦繡斑  
誰葺荒壇增氣象朝霞夕月倍幽閒

國朝畿輔詩傳

卷七

五

送顧見山水部分巡姚岷

岷山西望莽蒼蒼持節仙郎意氣揚獵鼓風前馳白羽  
羌歌燈下出紅妝旣旣月冷啼烏曉刁斗霜寒斷雁行  
壯志自凌荒服外摩空嶺上勒新章

贈劉魯一少司馬

帝里論交盡宦途如君自與世情殊籌時獨檢天人策  
娛客常披海嶽圖半榻疎陰依亂竹一簾清影蔭高梧  
素懷卻遠風塵外閒釀松花滿玉壺

豐臺花園

莫歎春歸倍可憐風臯雨陌倍悠然閒庭鳥語人過少

灌木雲來地自偏  
曲折引泉穿草屋  
殷勤插圃護花田  
當年萬柳園何處  
日落平蕪盡暮烟  
暮秋過摩訶菴園林

幽尋最好是僧廬  
卻喜偷閒半日餘  
喬木疎籬皆舊識  
滿園烟雨冷秋蔬

初冬夜夢中作

疎林殘葉怯寒風  
僻院迴廊曲徑通  
人靜閒階鶴夢穩  
小窗深處一燈紅

夜飲憶五弟

酌酒依然歡笑多  
篆烟霜月奈情何  
筇人不解傷懷處  
國朝畿輔詩傳

卷七

六

猶唱當年變調歌

秋夕

疎荷香繞綠窗低  
簾捲秋光日又西  
向曉幽林微雨歇  
亂蛩四壁盡情啼

對月

清宵坐對月華明  
河漢初斜斗欲橫  
半掩畫屏銀燭冷  
疎林葉葉起秋聲

戴明說

明說字道默號巖壑晚號定圃滄州人明進士

國朝歷官戶部尚書有定圃詩集

天津府志明說初官太僕寺卿丁艱歸盡屏聲  
色閉戶治心力究大易閑邪存誠之旨與黃岡  
曹本榮檢討時相印證又延容城孫徵君於家  
授傳習錄身體實踐務爲有體有用之學其共  
切劘者有明經陳奉勅諸生趙時泰一時如王  
廷璉李玉鼎王滋孫晏晏等從講焉遠近稱曰  
定圃先生

吳偉業序公工文章善書畫爲詩深渾奇峭超  
邁絕倫公餘品藻人士長編短幅淋漓墨瀋殘  
膏賸馥沾丐海內風  
流文采掩映一時

百家詩鈔巖學詩淵乎其神蔚乎其采公餘彈  
心風雅與王覺斯吳駿公范箕生齊名兼善書  
畫特受世廟知賜銀圖章勒米芾畫禪  
烟巒如觀明說克傳圖章用錫筆有廣歷代詩  
選唐詩類苑選笈書正禮記提綱廣註等  
書晚年有定圃近集鄒鹿合編偶見錄  
紅豆樹館詩話尚書畫竹最工筆筆如金錯刀  
今之王舍人夏太常也吳蓮洋雲嘗題云湖州

國朝畿輔詩傳

卷七

七

太守貧方善協律郎官老更工惟有尙書最  
尊籠閒中寫出葛陂龍其推服蓋甚至云

謫豫州別高中孚太宰

風雪驅孤客單車出上林於君誰苦口如我亦甘心河  
洛徵求急江湖戰氣深憂思懸寤寐星迸夜沈沈

題王西樵年丈小像

鹿砦今將老能封草徑無嶽搖驚句健月定愛禪枯爾  
我千秋外曹劉一代孤平山遺落照莫誤洗桐圖

送張虎別中翰

半樵鐵樹香山裏一釣晴雲滄水西短劍荒村哀鼠盜  
孤舟涼雨病荆妻鬢緣心拙三江老天許文窮五嶽棲



爲擬歸來秋滿帳元經綠綺正堪攜

題顧夫人蘭卷

孤根耿耿護陽春許伴三閭問夙因  
髮髯鷗波亭子上  
湘烟清照管夫人

倪光薦

光薦字相如天津人明進士 國朝官太僕寺

卿

高恒懋序余總角時聞先文端稱先生詩古文詞皆自出機軸與古人相上下余寄居津門先生以先文端故推好於余因得讀先生詩文沈雄博大爲唐宋而不爲六朝詩高華典貴爲北地而不爲竟陵以觀皆自出機軸上下古人之言先文端其真知先生者哉

國朝畿輔詩傳 卷七

八

西山臥佛寺聽古松聲歌

濃雨夜過朝烟涼花氣引人來禪廊  
入身忽聞波濤在  
仰見虬龍參空翔高支盤作春雲黃  
低枝拂地清陰長  
橫斜都有千尺強麟皮脫落腹飽霜  
半死未死骨不僵  
千百餘年閱滄桑不知身歷幾興亡  
青枝黛色猶蒼蒼  
亭午不落朱曦光中有天風吹海洋  
上有仙人騎鳳凰  
月明皎皎停霓裳遙爲細細吟笙簧  
又疑玉佩鳴琮璜  
寺僧夜半行即當暮驚鐘鼓開佛場  
神遊上古湖鴻荒  
何人種此形昂藏留作濟人大慈航  
慎勿遭厄值吳剛

王公弼

公弼字直卿號梅和滄州人明進士 國朝歷

官戶部侍郎祀鄉賢有景慶堂詩選

畿輔通志公弼官戶部出納公慎自矢性至孝痛母苦節一言一動必稟命而後行鄉黨稱之

朗吟樓呂仙祠

丹梯插碧枕河流可是仙人居好樓雲住乍疑蓬島近  
月明還憶楚江秋洞庭西放雙鳧去滄海今隨一劍遊  
夜盡波澄聽唳鶴醉驚珠斗豁吟眸

劉餘祐

餘祐字五孺宛平人明進士 國朝官戶部尚

書有燕香齋集八卷

國朝畿輔詩傳

卷七

九

四庫全書提要燕香齋文集四卷詩集四卷劉餘祐撰其自稱濱宛者先世濱州人也是集爲其子方詒所編每篇之末皆有評語如坊刻之式後附餘祐行畧猶前人所有之例至附以其妻之行畧其父母之墓志則非古法矣

辛卯清明過先壠有感

時事如蒼狗長空過白雲誰能免淺土人尙競深文隔  
歲春風面新烟曠野墳只應裁百感都付一杯醺

孫昌齡

昌齡字二如一字念劬號元嶽寧晉人明進士

國朝官都察院副都御史卒贈都御史諡恭

憲有亦園集四十卷

廬墓行

任英給事涇陽父死於兵英謝涇陽匍歸廬

墓側

有父生離兒遠行乾坤轉眼滿甲兵我父飲刃我不見  
生我者死我乃生飲刃父應仍我顧我歸省父只見墓  
父兮父兮土一抔蒿蔚蕭蕭風滿樹倚廬墓側心傷悲  
父死廬墓亦奚為泣語世間遠遊子有父勿為廬墓兒

王正志

正志字逢源靜海人明進士 國朝官延綏巡

撫

國朝畿輔詩傳

卷七

十

畿輔通志正志順治初以都御史巡撫延綏軍  
政修明邊境又安姜瓖叛正志檄諸將固守參  
將王永疆開門延賊正志  
死贈左都御史廕一子

燕山雜詠

病起愁容減長貧不問錢看花紅滿袖芟草綠生烟拭  
劍杯前壯翻書倦後眠自憐成懶癖未許受人憐

李起龍

起龍字霖蒼號景純南宮人明進士 國朝官

陝西按察使

南宮縣志起龍授行人壬午典試雲南所取多  
知名士甲申值闖寇之變傳大行凶問欲走哭  
臨為賊所執誘之降不屈 國朝定鼎 詔在  
京臣民哭臨大行起龍易衰經痛哭因中風肇

抱病旋里吏垣巡按交薦仍補行人歷禮部郎中陝西大同道右參議兼僉事陞兆岷道副使值回變後人心惶懼起龍撫綏軍民駕馭番族還定安集悉有次第兆岷不知學觀風考課獎勵激勸文風漸起創立岷山驛遞岷州營房留心訟獄力持公道遠近頌爲神明甲午陞陝西督糧道嚴禁包納慎簡倉官逐駭盤查繕造清冊任事一年中問結百餘案致仕歸

### 宿彌陀寺

黃昏古寺噪啼鴉一夜無眠憶故家骨肉半隨青冢恨  
詩書空逐碧雲賒宦情雞肋徒羈客世路羊腸易覆車  
此味到頭看得破不如勇退臥烟霞

趙 喘

國朝畿輔詩傳

卷七

七

喘高邑人明進士 國朝歷官浙江巡按

歲在己篇

嗟嗟歲在己鬻妻復賣子誰者爲斯語今年驗若此昨  
秋種來牟所望糗糧峙徂冬及三春雨雪不濡軌青郊  
埋黃塵入夏更如燉收刈不償種八口何所恃是時余  
抱疴憂來更難已中夜不能眠徬徨三四起但見雲漢  
明杳無河渡豕祈禱術亦窮此離從此始六月二之日  
黑雲遮日晷俄頃羣峯生太虛行瀾瀾震雷走旱魃驕  
陽化成水皇天怒有恩蒼生懼而喜典衣糴穀種傾囊  
力耘耔可以作酒醴亦既有黑秬可以濟孔饑亦既有

白芑回視二麥時吾苗良蕤蕤七月初旬間大雨水不止南北兩河漲白浪將入市夜聞鐘鼓喧滿城俱登壘掘土塞四門封穴如螻蟻平旦水勢退千家垣屋圯我農巽動野百畝成泥滓始願觀穎粟今並無糠粃上天巧困人誰能測伏倚幸有仁撫軍視民如視己州縣請民命一一爲疏理蠲賦有重輕朝上暮得 旨邑

君方治病不遑造民社豈無鄭俠圖終忘置高甌況復民愚樸忍死閉口齒閭闔匪難叫又疑蹈謗毀所以鳩鴿人邀恩異鄉里汝邑旣無災征輸則宜爾哀哀皮骨盡子遺長已矣誰無惻隱心宛轉視其死手乏援溺具國朝畿輔詩傳 卷七 三

徒深納溝耻吾欲重呼天藐藐高其耳 按高邑縣誌康熙四年乙巳春

夏不雨  
秋大水

董國祥

國祥字福口隆平人明進士 國朝官吏部侍

郎有了餘園吟草

擬古

青鳥夕棲林孤雲有還期蕩子客燕薊三年猶未歸邊馬嘶月黃秋風摧鬢顏閨中砧杵急塞北衣裳難踟躕思寄衣遠道知何處裁成心自傷脉脉不得語生爲蕩子婦不及一王雖悵望北山雲顛顛徒自知

李廣故飛將百戰不得侯可知運數奇不如守舊邱  
翻五陵兒意氣大長秋白玉煑羹湯黃金飾馬頭乘時  
各有人勿用悲沈浮君看灞橋月不照漢時舟黃河一  
千年日夕東海流春來桃花水爲覓避秦儔彭聃今亦  
無何事空百憂

江南曲

蓮塘十里花如霧楊柳春風迷曉暮邊沙吹鐵日光寒  
笳聲嗚咽交河路梅鬪爲衣酪爲漿琵琶哀怨動人腸  
恰看燕子銜春至舊壘新巢復自忙歌江南夢江北思  
不見長太息蕩漿蓮塘難再得

國朝畿輔詩傳

卷七

七

元日喬文衣過訪用文衣韻

應有憐狂癖翛然到遠扉虛堂長日靜生事逐年微酌  
酒看雲落開簾見鳥飛西山一片月佇上薜蘿衣

喜得趙問源抵里消息

知君雅意弔蒼梧攬轡忽忽未定居握手西瞻函谷月  
羈心南憶武昌魚詩題黃鶴羞前輩瓜種青門羨後車  
身世浮雲俱不著洞中小有舊藏書

趙漁

漁字問源唐山人明進士 國朝官陝西布政

使

偶閱秋圃督家僕捉理蔬蟲

家貧值水荒冬春資秋菜空場耕為圃蔬生兩自溉土  
薄苗已稀霪雨滋蕪蕞晨起閒過處垂地秋雲驟鞠身  
驚破葉葉諸蟲在青者曲如蛇黑者點如黛掃除莖  
欲損撲打根恐礙蒼頭施法老密羅盡一槩一笑抒余  
恨又嗟傷吾愛萬物皆並育口腹不相貸蟲當慎爾貪  
我亦學吾耐

金鎮

鎮字又鑣號長真宛平人明舉人 國朝歷官

江南按察使有清美堂詩集

國朝畿輔詩傳

卷七

古

毛奇齡金君墓志君少有風悟崇禎壬午領解  
順治改元授山東兗州府曹縣知縣旋覲歸補  
河南陝州閿鄉縣知縣改鑾儀衛經歷隨陞刑  
部河南司員外郎康熙十三年進本部郎中會  
縣以君使河南恤刑自本年十月至十四年四  
月凡七閱月計所全活約一百一十人矜疑半  
之援赦又半之次年轉河南汝寧府知府時淮  
蔡多盜兼無牟民田荆榛道殫千餘里前代真  
陽西平諸遺孽根株未清往來荏苒間而新蔡  
李樊與泌陽郭三海據平頭寨相結以起民爭  
逃村落皆墟君一意撫字除苛細下墾土之令  
生聚教訓示民以自新取為政去太甚一語書  
之訟堂而親統鏡丁勦李樊除其根株一切勿  
引蔓會清理藩產躬驗丈尺而海上投誠兵適  
安插真光之間凡開屯升稅極意調劑令民兵  
相安至于興利除弊及一切津梁祠宇宜毀宜  
復者皆受整理君治汝十六年改補揚州知府  
值撤藩兵變長江上下風鶴相驚而維揚適當  
共衝城中震恐一日三徙有爭門而奔者君力

爲慰諭且以威怵之始安然而兵馬騷擾君處  
以鎮靜嘗招名士遊讖修復平山堂作文誦之  
乃事治民得不擾陞江寧驛傳鹽法道副使兼  
署鹽運司事陞江南按察使大計入 觀召對  
令敷陳時事時所對有二其一請定盜案嚴減  
之例謂江左連年留盜賊多有三載之中題報  
八十餘而其中飢寒逼迫可滅者衆如一時窮  
困被誘竝不傷身主或得財未依分或干事主  
家雜取棍械護身原未嘗攜帶器械皆宜救部  
分別量減永定爲例至捕役營兵參縱勒財以  
致先取贖物然後報官甚有指稱打點代行錢  
令行劫償還是盜有時盡而捕盜之盜反無窮  
也如此得實宜從窩盜律一體重擬則犯盜者  
少而民得安矣其一請定旗下一體重擬則犯盜者  
訊之例謂江寧京口二旗買人多有無籍者自  
立賣契旂主但送二元江寧丹徒三縣用印而  
竝未行文原籍察其眞僞多有展轉掠買而不  
之知者嗣後請三縣用印官將所買之人申報  
巡撫巡撫按季報部隨卽行文原籍出示招驗  
其有可疑者令旂主還契追償其用印官不報

國朝畿輔詩傳

卷七

五

照新例治罪至于旂下逃人奉有承審官夾訊  
之例獨旂人爲盜被獲難以刑訊其狡賴展脫  
將何底極嗣後旂人爲盜倘夥證甚明贓杖已  
確許承審官徑行刑訊則奸宄畏法而盜風息  
矣疏 聞稱  
旨又明年康熙乙丑卒

北上別汝南州縣

明發邁言邁班馬何駢駢年深愧匏繫回首念艱辛荒  
殘十四城撫循賴同人流移亦已歸桑麻易荆榛絃歌  
徧衢巷致此良有因集裘匪一版同舟匪一身藉手道  
厥戾離筵情倍親行行去帝鄉温言慰吾民各有慈母  
存羣公皆至仁尙勉甘棠化汝墳跡未湮鴻鵠志千里  
奮翮凌青冥斜日重流連西郊起行塵惆悵黃鳥啼薰



風吹征輪

發汝南留別諸生

僕夫早嚴駕捧檄遊京畿既其父老別行與諸生辭麗  
日照南湖清芬散江籬多謝彼都子褰裳擁路歧興賢  
余夙心惠風殊未施天中讀書臺回首雲樹迷何以志  
永懷眷言贈將離人生三不朽崢嶸須及時汝南多先  
賢世遠道足師夕陽下西山班馬何依依且盡盈尊酒  
千古以爲期

過信陵君奪晉鄙軍處

人臣無專擅所以明至尊胡爲魏公子竊符應平原讀  
國朝畿輔詩傳

卷七

六

史起疑猜常欲吐一言秦圍趙乞師趙存六國存公子  
有早見設計解軍屯事蹟則已僭內心猶可捫戰國主  
合從信陵爲發源會上魏王書勸與六國援指斥虎狼  
秦嗚咽輒聲吞古人逝水駛戰壘春草蕃智勇冠當代  
三軍安足論昨從大梁來惆悵城東門

湯陰使院中松石絕佳率爾題壁

每遇山水佳流連不能已松間數拳石嵌空幻奇詭上  
有百尺陰虬幹互攀倚我來值炎序解帶涼飈裏苔壁  
別題句前賢信清美緬想寇氛急滄桑幾城市獨此巋  
然存神物敢褻視俯仰生遠懷揮杯竟餘晷故山有松

泉直欲褰裳起

冬夜夢先大人

慈竹能護根飛鳥知報本遊宦在四方歲月忽荏苒年  
力日以邁風木悲已晚清明望邱墓千里淚徒泫虛捧  
毛義檄忍踐王陽阪中宵見吾父庭訓儼勗勉疊疊無  
別詞祇是強爲善廉吏自可爲有終弗宜鮮愛子兩三  
人參差各天遠似愍道路長惆悵意不展涕泣起牽衣  
音容猶在眼誰知逸難卽一去不復返陰雲竟黯淡暗  
月尙隱顯爲語承歡者事親苦日短

悼亡妹

國朝畿輔詩傳

卷七

七

妹字李氏十九出閣二十一而寡三十有六卒  
於汝寧官舍時庚子六月二十二日也詩以哭  
之

離離女貞樹皎皎明月珠十三工織綺十五嫺詩書十  
九詠桃夭彌歲所天徂引義矢明信心若沈灰枯夜火  
守機杼朝餐甘蓼荼煢煢踰十載抱影坐空廬子女無  
一出守貞詎踟躕還家失怙恃晚與兄嫂居少弟願迎  
姊遠宦天一隅汝南猶近畿官舍相依扶伯兄時繼至  
晨昏集友于雖無多厚養聊足慰羈孤本圖相與存詎  
意不克俱孟夏汝負疴半月顏色痛兩月汝畢命力盡

空歛獻伯兄方入燕胡不待斯須遙知嶺海外崩慟溼  
衣襦余生信薄祜風木悲有餘兄妹四五人行復半凋  
疎沈哀結心脾回首憶京都小妹嫁胡郎昨歲亦已無  
連枝萎佳木並蒂摧芙蕖吁嗟我父母靈爽今何如妹  
喪難遽歸湖寺停靈輿哀鴻叫虛館陰風振寒蕪沒有  
千種悲生無一日娛兄弟限各方念惻同根株

題京口魯子猶畫

弱冠耽翰墨清鑒愧名理畫苑自林立往往蹈俗軌魯  
君妙揮運含毫有深旨貽我尺素箋咄哉佳山水烟深  
樹轉明嶺斷雲欲起氣韻旣超逸風骨邈難擬臨池君  
國朝畿輔詩傳

卷七

六

擅場縱橫任驅使再詠瑤華什三絕信爾爾巖阿正瞻  
髮江渚方洗耳丹青祇一斑詎足盡君子欲濟川無梁  
攀芳徒徒倚

重立天中書院

漢世重守吏養民無所先氓俗苟未和所急非簡編顧  
念淳風邈教養理必兼嗟予夙寡陋期月慚化宣荒疇  
漸已闕禮義猶闕焉繼軌振斯文舊館無尺椽汝南多  
君子表表六孝廉衡門棲黃憲大雪臥袁安忝荷王龔  
職深慕漆雕賢如何兵燹後詩書殊蕩然庠序雖猶存  
絃誦恐不專暇豫揖諸生廢解可授屢商歌寧苦饑餽

粥有薄田德業於此進庶無耳目遷佳木生崇岡明珠  
出深淵朝華與夕秀文采將可觀仰企棧樓風聊用塞  
素餐

渡黃河再至汴梁與舍弟冷公別

十載填箠久濶別今年晤對殊親切何意驅車燕市還  
重話離愁更嗚咽憶昨黃河風浪高蛟龍噴起千層雪  
隱隱良嶽見樓臺依依汴水明旌節愛是官樓姜被溫  
還虞歧路驅歌徹果然東門衰草天一卮酒盡肝腸絕  
從此分符向廣陵回首繁臺樹明滅人生骨肉最歡娛  
一官南北寄羈縲何似連牀對雨眠鴿原情事殷勤說

國朝畿輔詩傳

卷七

九

正陽關卽事

幾派中原水奔流下潁河連年比戶集隔岸估船多日  
落爭先渡風微欲放歌驚心壁壘在往代此橫戈

壽春道中

詞賦淮南盡勛猷淝水虛空留名勝蹟曾是戰爭餘秣  
馬當官道關弓過廢墟青山如笑我偏不狎樵漁

過清流關

歷盡岡巒峻巖關吐白雲一行穿暮色萬里見斜曛地  
擁金陵壯山疑鐵馬聞重門今不閉知已靖邊氛

懷胡又申妹夫

荀郎三載別契濶此情真輦下頻相憶天涯幾至親  
島啼鴛夢斷花落鏡臺春且獻長楊賦非徒慰達人

鄆城奉謁魏相國留飲葆石堂賦謝

玉燭調成一疏歸東山絲竹遂初衣青門容我投元禮  
黃閣惟公薦陸機便許觀碁開別墅還同把酒對漁磯  
此行躑躅千秋陌吐握于今魏相稀

次定州寄何石公內兄

時石公爲完縣尉欲爲  
故友闔立凡謀歸櫬

鼎湖舊好惟君在一尉蹉跎鬢漸斑千百里程空寄札  
十三年別未開顏已慚長者存心厚欲護貧交旅櫬還  
此日郵亭聊駐馬可能來話綠楊間

國朝畿輔詩傳卷七

二

渡江至京口作

伐鼓臨江放櫂行江雲黯黯欲相迎樓臺樹壓山平出  
蘆荻風迴潮漸生落日西津同作客新年北府又增兵  
匡時無計聊舒嘯鷗鷺全能減宦情

登虎邱

金閶亭下買輕舟小泊山塘問虎邱一自闔閭埋霸氣  
到今短簿擅風流日斜泉響沈歌板雨罷松聲散酒籌  
獨向生公求妙偈石亭鐘磬冷如秋

從仙裳得田雪龕書問

中原攬勝採芳蓀室邇人遐結夢魂交重江南貧刺史

名高粱苑老夷門新詩喜挹瓊枝秀客路晴開海霧昏  
蘿薜久荒徐孺宅幾時迴馬到沙村

邢州道中經圓津菴

小憩茅龕啜紫茶雨收十里度平沙香臺初日門扉靜

一院紅舒夜合花

都門題友人停帆館

紙閣蘆簾碧樹邊清江何用伴鷗眠百年應悟虛舟諳

不似張融岸上船

紅橋

柳岸長橋覆酒家采蓮歌起日初斜轉思十載天中路

國朝畿輔詩傳

卷七

三

風雨南湖發藕花

坐韓閭西小齋看溝藥欄

移石芟荆督掃除幽人興致自蕭疎春來雨過花新綻

傍檻鉤簾好讀書

趙永吉

永吉曲周人明舉人 國朝官浙江石門縣知

縣

重九夜坐

雨霽疎星淡風微畫角長筆牀清印月茶竈冷含霜送

酒時何暮羣芳晚自香笙蕭休漫倚鳴雁過寒塘

王蔚

蔚字昌之號文徵邢臺人明舉人國朝官知

縣有韋菴集

旅長沙

白日聽鳴笳江流雉堞斜有天皆帶水無夢不歸家人  
散空城雀魂開古戍花當年猶痛哭翻恨賈長沙

楊啟辰

啟辰字元蓋磁州人明武舉國朝以平海寇

功封懷遠將軍加副將銜

清泉寺

國朝畿輔詩傳

卷七

三

古寺倚山腹清泉繞鑑塘殿虛雲氣入巖靜草花香野  
叟觀仙奕村僧說漢王凭欄山下望二線是清漳

胡鳳閣

鳳閣字君榮永年人明貢生國朝歷官安徽

廬州府知府有伏櫪齋集

永年縣志君榮崇禎中為濟寧州知州順治中  
任濮州知州陞鄆陽同知丁艱歸再補開封同  
知撫荒殘除盜賊叛兵陞廬州府知府治  
尚寬簡廬人愛之以自奉薄稱長齋太守

荷花館

暫逐仙槎入水雲尊開涼閣占幽芬烟疑曲檻風香合  
月下孤城夜色分為愛波清催洗盞還憐調合許論文

芳洲是處堪移席燈火防驚鷗鷺羣

梁維樞

維樞字慎可正定人明舉人 國朝歷官湖北

武德兵備道祀鄉賢

四庫全書提要玉劍尊聞十卷梁維樞撰是集  
作于 國朝順治甲午取有明一代軼事依劉  
慶義世說新語門目分三十四類而自為之註  
文格亦全仿之然隨意鈔撮頗乏持擇如李贄  
嘗云宇宙內有五大部文章漢有司馬子長史  
記唐有杜子美集宋有蘇子瞻集元有施耐菴  
水許傳明有李獻吉集之類皆狂謬之詞學晉  
人放誕而失之者其註尤多膚淺如曹操李白  
之類人人習見何必多累簡牘乎至所以名書  
之義吳偉業諸人之序及維樞自作小引均未  
得而詳焉

國朝畿輔詩傳

卷七

七

幾輔通志維樞正定人明兵部尚書夢龍之孫  
萬歷舉人受業趙忠殺南星之門忠毅常曰風  
雅不墜復見之梁生矣復從楊忠烈漣游會逆  
奄起詔獄趙首被禍維樞傾身翼之楊銀鑄道  
出正定維樞往迓之大言檻車之旁曰公此行  
足以垂名竹帛公之本志豈足畏哉于時邏卒  
獠立人謂不為門戶計維樞灑然不顧也尋授  
中書舍人入 本朝為工部郎擢武德兵備武  
德多鳴辭暴客難以勤治維樞練營卒飭法令  
境內肅然絕苞苴恤徭役惠政流聞乞養歸著  
有玉劍尊聞姓譜日牋內閣小識  
見君子日牋等集數百卷行世

送魏環極給諫歸養

錫類逢

英辟

恩俞省侍行養親須令子

名世尚清卿忠孝傳家譜文章狎主盟追鋒何日駕輿

望有餘情



范士楫

士楫字箕生定興人明進士 國朝官戶部郎

中有橘洲詩集六卷

四庫全書提要橘洲詩集六卷范士楫撰是集皆其順治乙酉以後之作其詩尚染明季偽體

卷首自序一篇故爲

奧澀亦當時習氣也

紅豆樹館詩話箕生崇禎丁丑成進士官陽曲

洪洞兩縣令入 國朝爲選司郎中申明銓法

以不阿忤權要告歸其父文源明繕司郎曾輯

范陽志畧一書未竟箕生致仕後踵而成之雖

文筆詰屈而網羅散佚

印事述懷三十韻

車馬蕭然一草菴故人傳語借丁男別來歲月儂常數

國朝畿輔詩傳

卷七

古

近此風光君豈諳客臘雪驕工販絮今秋雨飽劇收藍  
不時細柳編雙鯉尙有殘桑熟八蠶老子婆娑催釀菊  
諸孫刺促競分甘野人舊望山中屐之子新拌冠上簪  
百年雞黍倉皇具萬里縱橫率意談顧我蓬科賜自轉  
未應石闕口嘗含明知客路猿愁險爭怕單行虎視眈  
兩處種榆皆指北半生取義載司南身夷白恰會無叱  
影照清溪定不慙多難年籌加社櫟讓榮天性侶山楠  
翩翩那憶王陽綬落落偏傷石父驂底事避人深竹徑  
幾回臥病典書龕藥收水族吹星鯽味減吳姬背瓦蚶  
累在空知嶽有五僕凋漸欲馬成三因聽燕語聞箏甲

卻爲龍鳴惱劍鐔蘋藻代金存季札芙蓉留粉誰何戡  
忌醒叵耐田荒秫習淡剛宜水秀澗乍可爲農爭上次  
焉能與賈論廉貪閒將警枕蛛從網斲得窠樽蟻鬪酣  
下里歌鐘騰短銜遙天涕淚墮長鏃孤筇有客悲游隼  
五字何人議負擔尙怪玉環揺宋鵲不驚金屋到袁慙  
鳴瓊泛驛隨時作刻燭披緗到老耽計少精芒役雷部  
乃羞憔悴沱江潭勁松先隴知難問亂竹荒城耐可探  
一夕朔風翔代馬千秋白日在燕函浮家旋卜餘衰鬢  
情話由來帶曉嵐蒼符試教添牧笛黃鸝誰更佐雙柑

秋日雜興

國朝畿輔詩傳

卷七

五

薄宦京華鬢漸斑不須看鏡問雙鬢縱無容膝柴桑地  
肯與淮南競小山

李士焜

士焜字又白任邱人明進士 國朝歷官工部

左侍郎有麟篆齋集

任邱縣志士焜授河津令闖寇逼垣墮不足守  
焜區畫濬築旬日完固巡撫吳公移軍駐境內  
糧食芻茭供億無缺吳奇而薦之詔內擢適父  
填宁殉邑難奔喪歸麗血乞卹奉旨建祠服闋  
擢工科給事中督漕中州歲大饑人相食焜奏  
狀詔捐賑有差壬午遷刑科給事中以方介忤  
權要出爲河東道副使巡河于見浮舟百艘營  
將請擊焜曰此難民非亂民也促招附岸共千  
六百有奇咸感再生甲申闖寇行爲牌於平陽  
焜碎之杖殺其使聞京師陷棄官歸 國朝起

用爲兵科左給事中累習工部左侍郎著有刑垣疏草

王崇簡李公墓志公幼而端穎資性純茂官浙江布政使禁旅駐寧波時芻餉以資飽騰而民若無事行已澁官屹然爲世矩範

### 抵家

屈指離家四十年遙瞻城郭轉淒然菊松深訝歸來晚

鬢有秋霜鏡亦憐

### 李芳莎

芳莎字臺辰永年人明貢生 國朝歷官廣西

柳州府同知有感如堂詩集

畿輔通志臺辰以拔貢知武鄉有惠政遷柳州同知未赴乞歸性質實好讀書寢食於經史百

### 國朝畿輔詩傳 卷七

庚

家爲文淵停無涯際詩格沈雄得少陵氣骨

宋學筠廊偶筆順治三年七月二日 賜廷臣先文康

公以大內歷代珍藏書畫 康夜飲先公以謝表相委李揮毫座上如風雨

脫藁時纔二鼓耳一時輦下侈爲美談

### 泉亭寺雜詩

跌坐翻成懶持齋豈爲貧荒村粗有屋瘠土不留人避

餌知魚巧穿窗喜燕馴池清如鏡裏愁與照風塵

新泉三尺淺小市一彎通荷動珠難定魚來水漸紅幽

花香挹露熟果落隨風社鼓雲中響兒童祝歲豐

雜卉初無譜方言強命名風林依鳥宿山水逐門平日

烈瓜先實亭深草易生前途歸馬熟自覺去來輕

邊大綬

大綬字素一號長白任邛人明孝廉 國朝官

至山西太原府知府

任邛縣志大綬崇禎己卯孝廉授陝西米脂縣知縣米脂乃闖賊李自成故里時闖逆猖獗流毒海內綬下車偵知其先墓伐之迨賊破神京移明祚綬全家被執幾死者再 國朝起用補河南修武縣知縣勸農興學著有勞績陞山東青州府海防同知青州濱海賊出沒無時綬捕禦有法賊不敢犯全屬賴之以安擢山西太原府知府莅政三年執法嚴明民懷吏畏以病告休著有虎口餘生錄行世

國朝畿輔詩傳

卷七

七

亡命罪至通天糜我疆土逼我君后竭四方之師武臣力不能一矢相遺海水羣飛白日晝晦先生獨能出奇計殲產逆之惡制死賊之命壬癸天下唯長白一人而已向使長白重身家計利害或知而不為為之未必有濟將若之何雖然皆天也非人也闖不生天下不亂闖不死天下不平長白不令米脂闖豚不絕鬼神不助長白國仇不復然則洩先明十四帝之憤開我朝億萬年之運者亦惟長白一人而已

紅豆樹館詩話虎口餘生錄傳本不一率多援据失實附會神怪乾隆中公喬孫名思訥者官山西夏縣知縣始重加校刊勒為定本案公伐闖賊祖墓事附載明史汪喬年傳中稱靜海人而小倉山房集謂為順天人籍貫微有不同其他著作亦不多見過方山七絕一首采自縣志清絕無塵腐氣

過方山

三十年來歲月虛  
偶因烽火過禪廬  
白雲不斷人行路  
消受松風一夜餘

國朝畿輔詩傳

卷七

天

國朝畿輔詩傳卷七

終

秋大盛飄飄白雲不  
斷人行路

國朝畿輔詩傳卷八

長洲陶 樑 彙 薈 輯 天津梅成棟樹君校

王 熙

熙字子雍號胥庭宛平人崇簡子順治四年進士歷官保和殿大學士加少傅諡文靖祀賢良

有文靖公集二十四卷

四庫全書提要王文靖集二十四卷附錄一卷王熙撰是集為其子克昌所編凡奏疏二卷頌賦一卷詩六卷文十五卷以自作年譜及行狀志銘碑傳附錄於末前有其門人張玉書吳震方二序又有朱彝尊序核其詞意皆熙在時所作而標題亦稱其諡或刊版者追改也

國朝畿輔詩傳

卷八

一

夜祇勤益居相位者二十餘年終如一君臣際遇尤為漢唐以來所僅見云

朱彝尊王文靖公傳公為漢唐以來所僅見云

世祖入直南苑未嘗歸沐羽獵不俟請旨隨豹尾行進講景山臻祿閣侍坐及以學士掌宏文院時文貞公先任國史院誠恪特加此恩比世祖疾大漸

召至榻前草遺詔密有封奏秘不聞也

掌都察院事振肅紀綱多所建白懲貪示儉獎廉正官學折亂萌言皆切實康熙元年冬吳

法課官南黔蜀姦人楊起龍詐稱朱三太子

三桂叛雲南黔蜀姦人楊起龍詐稱朱三太子

變幾生肘腋伏誅時三桂子應熊尚主

熊既伏法三桂始驚悸失措發病死公稟

先是漢官不與聞兵機至是特命公專

管密本中外咸知公以敬慎受心傳之者至矣公讀書

一過日記憶不忘每奏對御前憲答如

流熟于掌故遇事立剖決胸無水炭亦無柴棘

以善氣迎人雖新進必加獎誘樂成其名以是

五十年應仕無親疏皆得其歡心

益隆固其宜矣薨年七十有六

賜諡文靖時人比之李沆云

吳震方序公少從文貞公避地江浙杖履舟楫

與當時諸君子談讌風流文采輝映一時發為

文章原本性道煌煌經世之言

彬彬華國之作海內奉為規範

### 招隱詩

時移物屢變淹忽越歲年悠然念今昔撫景多牽纏高  
天鴻鵠飛來往何翩翩乃知空曠中浩蕩靜所偏采芳  
行未遲揮手脫塵筮山川雖云遠翹蹟矢夙緣相將度  
層岑晴雲開紫烟翡翠接蘭茗容華與相鮮放情拂霄  
國朝畿輔詩傳

### 卷八

二

行投簪豫林泉

予亦何為者馳驅朝夕間荒途苦靡涯時事良所艱緬

彼巢居子高蹤杳難攀幽蘭初重襟曲徑日掩關飄飄

松風來清澗流潺湲鳴琴巖壑中靜嘯神魂閒安得褰

裳遊駕言還北山

### 詠史

毛生昔淪沒囊錐蔽光耀寄食平原門三年不被召奮  
身在末行微受公子誚當時十九人側目皆含笑一定  
楚趙盟碌碌誰同調

讀申臯盟詩有贈

家在漳河外秋來古北平班荆揮玉麈把酒憶秦箏蠟  
屐航山秀扶筇對月明何時遂幽訪相對挹孤清

送趙友沂下第歸揚州

別當秋雨後歸及塞鴻前那有不平意翻生知己憐人  
行沙岸小樹近夕陽偏望望征帆遠清霜欲暮天

過故萬都尉伯石莊

駙馬園亭舊滄桑歲月深荒榛埋曲徑羣鳥噪空林陰  
洞朝光入虛堂野色侵寒風發幽籟颯颯動愁心

季夏友人招遊海淀

芳草埋孤徑虛亭受衆香開樽依老樹席地接橫塘菡  
國朝畿輔詩傳 卷八 三  
蒼紅兼白菰蒲綠漸蒼臨流吾欲醉隨意擘蓮房

香山

路入香山僻崔巍石磴斜到門流水繞尋徑白雲遮晴  
日輝芳樹春風舞落花佳遊今始遂盡日癖烟霞

退谷

退谷鄰荒寺巖迴徑欲迷林巒分委曲亭榭足攀躋流  
水堦前繞桃花屋角低幽尋興未已芳草自萋萋

春日扈從南海子觀大蒐

上苑回春馭傳呼夜漏催六龍雲裏下八陣日邊開細  
草鳴鸞地雄風買駿臺應知宸算遠不爲詰戎



來

送泊水出守鳳翔

烟雨放春晴黃鸝夾岸鳴飛花隨去路征雁亂離情日  
落山光遠風和野色平思君回首處華嶽暮雲橫

惠山

日夕峯峯靜探奇隔水尋松陰覆小逕塔影落幽林避  
亂欣乘興薄遊慚未深鳴榔人又去夢裏憶登臨

送別鐵山宗伯

言歸幾纜海邊槎十月清霜聽曉笳適意故宜彭澤柳  
謀生且種邵平瓜風寒烟霧孤帆迴人遠關山落照斜  
國朝畿輔詩傳

卷八

四

莫惜臨歧頻把袂應憐客夢自天涯

雲陽舟中送友東歸

朝來何事不勝悲寂寂離情怨子規惜別暫留寒雨夜  
送行無奈曉風時深溪霧捲飛花片平野烟濛綠柳絲  
東去江城相望隔天涯何日更追隨

送同年冀太守任襄陽

寒風萬木冷河橋極目南天路轉遙前引雙旌揮赤羽  
新乘五馬勒金鑣紅雲京闕增鄉思白日湘江對落潮  
此地猶歌大堤曲習家池上醉花朝

送四叔赴永州衛任

未別先愁送別時  
瀕行故欲緩行期  
無端又值梨花雨  
春色離情帶酒卮

上巳日聽歌偶成

銀箏錦瑟弄春暄  
旖旎情懷窈窕魂  
唱到一聲縹緲處  
瀟瀟疎雨正黃昏

郝維訥

維訥字敏公霸州人順治四年進士歷官吏部尚書諡恭定祀鄉賢

國朝畿輔詩傳

卷八

五

四庫全書提要郝恭定集五卷郝維訥撰是集凡都察院奏疏八篇刑部奏疏四篇禮部奏疏一篇戶部奏疏九篇吏部奏疏六篇其禮部請行釋奠疏戶部稅銀款目疏皆註疏存部案字蓋當時同官公議而維訥具草故仍刻之私集也

畿輔通志維訥初登進士與父傑同朝士大夫爭爲欣羨而維訥恂恂有儒素風歷官三十餘年家無餘資

王熙郝恭定公墓志公精於吏事其所區畫人不能及官福建延邵道巨寇張自盛犯延邵公設方畧挫其鋒復用間散其黨羽自盛就擒撫按交薦至錢法侍郎上言清鑄本收匠作視銓政持大體言官論事失實例不賂通塞優容而路處分例謂從來治亂關於言路通塞優容而嘉與猶恐讜言不至豈可因而加罪在農部四載爲冢宰九年兩部法經公裁定者至今守之不變

寄題五老峯

廬嶽峩嶩隱列仙  
五峯離立蔚藍天  
玉膏瑤草襟期外

白鶴青牛警歎邊極目蓬萊惟一氣共餐沉瀛自何年  
終期振策三梁上賓主逢迎意儼然

谷應泰

應泰字賡虞號霖蒼豐潤人順治四年進士歷  
官浙江按察司僉事有築益堂詩集

四庫全書提要明史紀事本末八十卷谷應泰  
撰其書仿袁樞通鑑紀事本末之例纂次明代  
典章事蹟凡八十卷每卷為一目當應泰成此  
書時明史尚未刊定無所折衷故紀靖難時事  
深信從亡致身諸錄以惠帝遜國為實於滇黔  
游蹟載之極詳又不知懿安皇后死節而稱其  
青衣蒙頭步入成國公第俱不免沿野史傳聞  
之誤然其排比纂次詳畧得中首尾秩然於一  
代事實極為淹貫每篇後各附論斷皆仿晉書  
之體以駢偶行文而遣詞抑揚隸事親切尤為

國朝畿輔詩傳

卷八

曲折詳盡考卻廷采思復堂集明遺民傳稱山  
陰張岱嘗輯明一代遺事為石匱藏書應泰作  
紀事本末以五百金購請岱慨然予之又稱明  
季裨史雖多體裁未備罕見全書惟談遷編年  
張岱列傳兩家具有本末應泰並採之以成紀  
事據此則應泰是編取材頗備集衆長以成完  
本其用力亦  
可謂勤矣  
豐潤縣志應泰狀貌奇偉博聞強記順治丙戌  
舉於鄉丁亥成進士授戶部主事陞員外官兩  
浙提學校士一乘至公所拔皆一時知名  
名士創立書院於湖山之巔浙人德之  
馬慧裕序霖蒼先生詩意厚詞和風  
灑乎唐之遺音而不入于纖穠流易

游道場山

丹岑連絕漢金剎倚晴空花散珠林雨松迴古殿風寒  
烟生樹杪孤磬落雲中尚有荒亭在憑軒憶遠公

台州冠平志喜兼呈中丞陳公

傳聞橫海捷書旋夜奏  
明光玉几前已見鯨鯢消島嶼  
何煩鵝鶴下戈船  
鏜歌入塞千山月  
鐵甲歸屯萬井烟  
不是王師無戰伐  
孰令滄海盡堪田

南明山

洞壑何年代亭臺一望遐  
空梁危渡馬古寺暗藏鴉  
徑曲盤雲上溪長帶郭斜  
澗流芳杜氣風落刺桐花  
村樂驚山鳥游驂亂晚霞  
虎蹲谿逼仄猿挂樹交加  
蠟屐情偏遠摩崖興轉賒  
巖傾懸石乳僧老飯胡麻  
瑤草侵堦短瓊窗宿霧遮  
何時容白衲有地覓丹砂  
坐歎征塵迫國朝畿輔詩傳

卷八

七

春江理釣槎

張坦公先生放鶴亭招飲

春風楊柳盡垂絲  
湖海飄零對酒卮  
忽憶彭城今夜雨  
滿庭芳草鶴歸遲

李昌垣

昌垣字長文宛平人順治四年進士官侍讀學

士

瓜洲

新柳近危城晴波燕子輕  
潮聲環郭遠春色渡江明  
細草烟中密高林雨後平  
疎籬臨曲岸小泊聽啼鶯

富春

芳草無高下疎烟處處通亭臺一水外邱壑百花中石  
古莓苔氣江寒舴艋風羊裘吾可老疎雨釣磯空

客晉陵除夕

今夕高堂宴無端客裏過焚香聊對酒彈鋏不成歌景  
物他鄉異風光 帝里多梅開春信至莫惜醉顏酡

馬鳴蕭

鳴蕭字和鑾號子乾又號乾若青縣人順治四  
年進士官工部營繕司員外有惕齋詩草一卷

天津府志鳴蕭授湖州府推官辛卯分房校土  
得人為盛奉 勅蕪湖抽分溢額二萬一千餘

國朝畿輔詩傳

卷八

八

兩轉營繕司員外郎致政  
歸優游林泉性嗜吟咏

詠懷

空谷得高士棲遲守敝帷鳴禽饒夕氣流水靜朝暉評  
史存疑信尊經識指歸客來深柳下相對製荷衣  
小卧不成睡掩關尋舊題調饑田百畝扶病藥千畦虛  
牖雲初住閒堦鳥亂啼黃花姿正好愛客且相攜

錢 綆

綆字瞻海元城人順治四年進士歷官都察院

副都御史

壬子冬月早朝值各國貢使

顛倒衣裳問啟明 上林喬木鳥嚶嚶廷臣有骨風霜  
老 天子無私雨露清香勃 御爐 金殿暖珂

鳴 皇路玉堦平四方底定封章少百譯來同拜

晁紘

奈一元

一元字占一號潛滄臨榆人順治四年進士官

禮部儀制司郎中祀鄉賢有潛滄集八卷

四庫全書提要潛滄集七卷奈一元撰是集卷一為四書解卷二至卷六為雜文卷七為詩其次韻答張築夫詩有哀知自是姚江旨躬秉幾亭夫子傳句附載張贈詩有姚江絕學重開闢直續良知兩字傳句蓋其學出於陳龍正集中所謂幾亭師者龍正別號也故其四書解中以

國朝畿輔詩傳

卷八

九

小學為格物而深譏朱子補傳為非猶宗王守仁之說而小變之者也是集其所自編卷端有凡例六條述所以編次之意甚詳然詩文皆不入格觀其自編而自發凡例或自譽或自恕儼如刪纂他人之集者是於古來著述體裁皆未及考則所作可畧見矣

臨榆縣志一元登進士初授刑部主事遷禮部歷儀制司郎中端方謹飭時以清正稱引疾還里閉戶著書未嘗以事干當事若事關學校及地方興革大務必力為救正遠近倚為師表紅豆樹館詩話宋玉叔安雅堂集有留別余占一儀部七律云嗚珂猶憶醉真豐一別青門歎轉蓬持節偶過君里拂衣真見古人風書來但話山中桂客去應憐塞上鴻朋輩霜髯君獨早於今衰鬢已相同當時玉叔已以古人相推則儀部之風槩可想

重九登高首山

佳節宜登高杖履首山隅冠蓋集僚友紳儒接歡娛大

海亘蒼茫巒巒積嶠一水紆曲流怪石蟠覆孟樵探  
互來往烟雲乍有無古廟羅盤餐亭趾飛濃醅樵豎向  
我言猛虎初負嶠醉後膽愈壯叱咤憑高呼薄暮聯鑣  
散山空秋月孤

李世洽

世洽字君渥東鹿人順治四年進士官按察司

僉事

憂旱

憶昔恬家食生長依京國黍稷紛盤盂孰知豐與嗇詎  
來典荒城酷旱今孔棘人力旣已疲天道渺難測蝻龍  
國朝畿輔詩傳

卷八

十

蟄重淵勁焱秋弗息石爍川爲陸泉源斷溝洫農夫釋  
耒悲耗斲盡土殖邑小遺人稀豈堪徧菜色骨肉念散  
亡相持淚填臆兒女戒投河夫妻爭引墨甘心死一處  
不忍生惻惻觸目此倉皇捫心實傷盡鬼魅亦何形欲  
殺安可得

社稷係民生軍國急賦稅輸將惟稼穡空園奚攸濟司  
農仰屋嗟徵符踵相繼淤潦去年稔蘊隆苦今歲啾啾  
中野鴻溝渠旦夕勢饑殍責正供恐非廟堂計緬焉懷  
古人因時厯調劑九載諭山咨七祀桑林誓殷憂啟聖  
心修弭握真契河南制可專青州澤無際所願在秉鈞

力撤下土微高高如未聞小吏徒跋扈胡由獻此篇長  
歌爲流涕

張繼鏢

繼鏢字季超大興人順治五年舉人

落葉

忽爾驚秋至飄然破曉空自難禁夜露偏易惹天風雁  
叫長林捲蛩悲滿砌紅山容愁太淡幾點綴寒叢

徐兆慶

兆慶字易齋天津人順治五年舉人官山西潞

安府推官

國朝畿輔詩傳

卷八

十一

初秋雜感

一葉驚時到井梧蕭然天籟賦笙竽芙蓉欲傍湘江冷  
砧杵頻敲月夜孤旅鬢久拚同古雪行蹤漫自說樵蘇  
平分秋色奚囊裏何事風流乞鑑湖

多宏安

宏安字君修號畏菴阜城人順治五年拔貢生

歷官江西布政使司

阜城縣志宏安授廣東靈山令縣當兵燹後地  
荒賦逋力請將積欠題免民慶更生戊申遷奉  
天承德令察挾旗抗法者送部繩以法滿漢警  
服壬子升陝西延安府靖邊同知丁巳補江南  
淮安府山盱河務同知時山陽西南高堰長隄  
潰決淮水盡奔高寶下流不復北出清口抵黃



黃遂直射真河運道淤淺隨尾淮入堰無山會  
清口下雲梯關而趨海故海口一帶盡墊公與  
總河籌策先築高堰以束淮敵黃并治爛泥淺  
諸故道導清入裏河運道乃通且修築兩岸及  
河口清江大閘暨雁翅諸工與淮工相表裏然  
清河達雲梯關數百里葭葦榛蕪壅塞故道則  
以水攻沙之法塞周橋高澗開座使清淮水盛  
漲與黃并驅入海于積沙會戊午大雨淮水成  
效庚申升臨安府壬戌特簡淮揚道乙  
丑升安徽按察使是年冬例應入  
河臣開濬下河治高堰  
皇上特勅大臣  
會勘宏安具疏條陳謂高堰之工無論下河開  
濬與否亟宜加治至堰上加工之法砌石工則  
必先打地釘湖底水深費帑甚繁若用板工堵  
工水勢蕩擊尤易摧殘若用密釘排椿十餘年  
石以敵風浪庶為兩全且可節省金錢下河  
後黃河刷深則河部之水而俱卑而高堰下河  
亦可漸次就理疏入部議如所請行已轉江  
西布政使歸里後值黃運兩河潰溢當事者欲

國朝畿輔詩傳

卷八

三

疏請起用  
會病卒

石湖

暇日躡雙屐探幽到水濱風光梳岸草鶯語醉遊人棹  
破一天水花明萬樹春湖山需佐理邱壑見經綸

九日

寒山瑟瑟樹蒼蒼佳節偏從客裏忙落帽向誰羞短鬢  
佩萸憐我在他鄉洞庭秋水連天碧鄂浦西風起霧黃  
彭澤已無陶令酒菊花何事勸飛觴

郝浴

浴字永滌又字雪海後更號復陽定州人順治

六年進士歷官廣西巡撫祀鄉賢有中山詩集

四卷

梁清標傳公年十六輒高自期許有澄清斯世  
之志崇禎間避難山中猶讀易不輟留心世務  
慨慕古人不屑為俗儒章句之學順治丙戌舉  
於鄉己丑成進士起家尋改授湖廣道御史攝  
浙江司郎中吏不能欺尋改授滇黔川中尚多  
按四川是時巨寇劉文秀盤踞滇黔川中尚多  
代葬屠戮之後一望空墟有司率皆營弁委署  
職業不修公至披荆棘立約束數微行廉得其  
狀力事清釐兵將斂手吳三桂方握重兵駐蜀  
軍無紀律每結隊逃亡肆劫憚公嚴正令各路  
不發塘報公疏發其奸三桂意陰忌公迨兩路  
敗躬東西川俱陷三桂棄川北退至綿州欲回  
漢中公亟檄兒道馳騎慰諭三桂等赴援責秦旦  
夕至又遣健兒飛檄邀三桂等七往三桂不  
謂不死於賊必死於法一晝夜凡七往三桂不  
得已始回保寧然猶豫未決公多方譬曉面授

國朝畿輔詩傳

卷八

三

方畧乃決策固守俄賊至保寧踞錦屏山勢張  
甚公憑堞指揮矢石過耳屹不為動賊夜渡嘉  
陵江繞出城後公徧歷行間激發忠義將士踴  
躍背城迎戰無不以一當百竟奏大捷是役也  
收拾全川實著公具疏前後數十上皆荷 詔問  
採納三桂挾王爵驕貴意持兩端而公以少  
年書生獨挺身與抗不為小屈且密陳其跋扈  
狀三桂銜之切骨朝廷頒賞酬功公以得不  
償失疏辭不受益與三桂忤思有以中仍先是  
司道董顯忠等類以將弁改授公奏劾仍先是  
用至是三桂摘公疏中目不識丁之語喉顯忠  
訐於朝公竟坐降調閣臣成公克鞏呂公宮張  
公端合薦公才堪大用三桂恐公柄用乃捩拾  
前疏指為冒功欲置之死聖學尤嗜孟子及  
流徙盛京公至徙所益潛心聖格物之堂危坐  
二程遺書築室三楹顏曰致知取還仍補  
其中垂二十年三桂反太僕寺少卿淮揚大禩  
御史巡視兩淮鹽課加六厥賑饑全活數十萬  
道殫相屬公倡議設六厥賑饑全活數十萬

人在差卽擢命都御史未閱月再晉左副都御史明年遂命巡撫廣西以苦瘴癘卒士民巷哭者三日公孝友真篤少時念祖喪未葬輒自捐左臂以志痛爪痕深入膚理其至性有過人者負才卓犖有膽畧憂患之後更達於學勇於爲義赴人之急不啻疾痛之在身獎借人才惟恐不及雖歷艱難而用世之志彌久不衰至當大事他人張皇失措公不動聲色處之裕如爲文奇崛單詞片語妙絕天下

彭紹升思賢詠一劍拄危城銳氣何磨峯觸邪微無將要使亂源窒翛然遠海濱不出尼山室寥廓天壤間魏公秉直筆

### 弔明蜀撫軍葆一張公

崇明昔邁亂明綱猶未委豈無心督臣徵兵及蛇豕駕馭豈盡乖天地合瘡痍蜂動翁百蠻流血殷渝水燦燦

國朝畿輔詩傳

卷八

十四

芙蓉城旦夕將摧圯公持霜斧出椎牛誓介士撻伐固有威忠孝亦有理遂令執艾衆感激厲廉恥復城二十七恢地二千里至今溪峒中談公猶擊齒再有邗彥亂永寧盡賊壘公膺節鉞來將卒六千耳殲滅十萬寇迅若掃浮蠹距今三十年蜀運未休否獻逆揚其波羣盜縱橫起強壯膏郊原老弱委泥滓鱗鱗萬家邑化作榛與藎每每千頃禾鞠爲稂與秕浴也叱馭人志在遵前軌遺民一何寡交以生爲累蜀吏一何弱爭以黜爲喜吏民亦人情致此良有以師行動以萬邑民百十止豈暇事耕耘不足供驅使况復滇黔間伏莽叢奸宄永寧

本遠入渝城師暫已賴有保寧捷經畧從茲始公當明  
旌哀建豎偉若彼予當服官初匡濟僅如此明明忠蓋  
業胡爲遜君子豐碑吹作塵蔓草迷祠址聊採故老言  
題詩付青史哀哀巴渝人公在爾不死

贈吳蘭次

瓊花不復豔奇麗觀斯文一斗新豐酒三生白練裙高  
名懸粉署盛事滿松雲何楷讀書後風流併在君  
越國推名守輕帆及汝逢雪飛天目白梅破道場紅半  
榻遲徐穉一樽思孔融京華餘故舊日望五雲中

江夏別任月坡

國朝畿輔詩傳

卷八

五

十載重逢汝離筵酒數巡青山留客夢白舫接征人漏  
下琴三疊帆懸月一輪相思何處覓愁煞九江鱗

同王無煩李木齋遊石氏祇園

側身雙樹入花氣浣衣裳不道千年雪融成百合香鮮  
紅媽小築舊翠溼迴廊尙有來巢燕呢喃問覺王

懷搗生下第

一第寧君重悲看世態分無言識孟敏誰解愧劉蕡樹  
暗瀛津路鶯啼賈島墳人間有矢志不復顧離羣

聞寇

莽上平蠻頌輕傳論蜀文羌江生怒浪溪洞結愁雲楚

獨兵難合黔滇勢未分近聞涪水寇剽劫日成羣

感懷

未盡當時意空餘遲暮心鄉關青嶂合杖履白雲深舊  
事息塵影虛懷放古今好留牕外月清夢五更尋

周體觀

體觀字伯衡遵化人順治六年進士官江西參

議道有晴鶴堂集十六卷

施閏章序伯衡為人坦直倜儻簡脫聲利言天  
下事可否人物文章高下軒軒然必盡吐其胸  
中無所俯仰蓋立朝若忘其官若忘其家  
生平為法杜陵其所為令支道中雜咏似杜秦  
州諸詩他若感時贈友觸興成篇真氣淋漓般  
瑤之目浩然所謂半臻雅調全削凡體其庶幾

國朝繼輔詩傳

卷八

夫

乎

王士正香祖筆記周伯衡外補九南道與施愚  
山同為江西監司又同年也其風流好事畧相  
似有過黃州詩云不見當年劉克猷西風吹淚  
古黃州舊時江路能來否落日招魂古驛樓真  
不媿古人也

從軍詩

烏啼忽不樂颯風何激蕩黑雲如堵牆戈船失回向暮  
延萬馬鳴偏師已扼吭血祭蚩尤旗朱殷翻白浪夜哭  
看國傷隱隱冒兵仗長箭不敢射獵雪滿弓韞平生書  
生氣對之乃愈壯請君為楚歌歌聲正悲放

早溼長沙地窮年尙合圍由來投放逐今復成邊圻行

役旣饑渴居處動遷違關山道阻長六親隔音徽匹馬  
日南征春雁復北飛縱使附書至亦難達軍麾薄言無  
所控何月予旋歸自顧徒旅中式微而式微

舟行雜咏

我生匪兕虎日與榛莽叢胡爲乎遯蹟竄身荆蠻中去  
家數千里音書久未通衰老更無狀亦無親故同經年  
事行役風雨一孤篷無異在營窟出入鞠微躬戶牖旣  
不達偃卧難爲容敦彼獨寐宿開卷眼瞢瞢思昨復流  
急幾從河伯宮驚魄迷晝夜憂心日忡忡常恐死道路  
惘然悲道窮湘水亦北流牟麥已芄芄浮雲無終極頽  
國朝畿輔詩傳

卷八

七

首羨飛鴻

春流溢渠岸挂席向江沱匪直爭上游抑籍遠驚波初  
擬此谿僻尙寐真無叱轉入烟火繁茅茨蔭喬柯嫋嫋  
插漁竿籬落何逶迤坐踏水車翻飽聞田鼓歌春深農  
務亟樹藝趁時和牧童更如畫驅犢戲陽坡好鳥關關  
鳴亦各安其窠樂土茲云適行旅少經過安知沙磧外  
征夫行負戈寄語避秦人豈必託山阿

遣興柬陳默公

離離江上橘踰淮化爲枳士不合時宜異地亦如此嗟  
此良可惜中夜四五起久客失故交白首多新恥顧念

同里翁薰天富無比垂老尙無兒孳孳較母子  
百舌雖云巧夏至亦無聲寒號苟得過敢與鳳凰爭逐  
客在窮途相與食班荆中山得二士亦止繫羊羹報施  
偶然事故舊平生情胡爲入流俗炎涼若性成  
客從遠方來相見情倍歡披雲慰饑渴積思縈百端欲  
語中腸結羞稱范叔寒南箕北有斗鬱鬱良足歎向者  
學宦游對食常忘餐希心近富貴苟得亦難安

### 壕黍村

壕黍何年村離離盡茅屋居人百餘家生事在樵牧山  
田間可耕種植惟黍穀村北車箱谷亂石雜惡木村西  
國朝畿輔詩傳 卷八 大  
溪水曲溯洞白蘋澳村東結園圃折柳綠山麓村南椒  
栗林陰陰氣森肅行人出其下翠滴衣衫綠村中兩茅  
店所飯豆與粥行人苟不早半投村中宿村老多白頭  
村童多赤足獨饒太古風伏臘相親睦

### 團子岡

東過團子岡山谷何窈窕羣雉來飛飛野鹿行佻佻幽  
壑不可探徑入青谿沓中有茅屋人散髮卧林春種黍  
北山雲採芹南澗瀆悠悠歲月晚不識京雒塵我欲卜  
其鄰愧予非隱淪感之重歎息長歌懷苦辛

### 嶺署栽竹

何者爲吾有悠然任所如仕遊苟清暇何必南山廬拓  
畦古牆陰豈忍負雨餘移取水東竹栽植自勤劬迴幹  
天力厚冥根地靈虛開牕見新綠汎酒延鴻儒便覺幽  
光生入座照琴書卽此得已多遑計行與居

塞上

老夫荷戈四十年昔時戰地今爲田垂老無力事農畝  
數瓏卻在陰山邊生長兒孫苦不早開種山田筋力小  
雞鳴獨裹餼糧出月下歸就邊城道沙場白骨誰家子  
我來收汝歸蒿里白骨白骨識予不先汝從軍後汝死

季天中遣上陽

國朝畿輔詩傳

卷八

九

朝辭青瑣闕暮宿白羊樊去國三秋月還家萬里魂邱  
山臣子罪滄海 聖明恩慈母如相念縫衣寄塞

垣

季子投荒去秋聲驛路催焚詩美女墓跨馬令公臺邊  
月悄還近山雲凍不開北風須問雁或好奇書來

薊州道中

離家幾度春風物倍懷人淒斷橋邊柳蹉跎夢裏身遲  
遲鄉路近靄靄故山親遠愧仙舟客歸來尙角巾

望盤山

生事寄朝簪年年憶翠岑未逢黃石約空負紫芝心山



寺僧多少松谿水淺深幽人閒結屋何處照雲林

贈陳伯璣移居

重開三畝宅環堵正相宜花落春城晚人歸故國遲  
鑑湖元自曲鄰笛爲誰吹獨踏庭前月依稀授館時

六月十一生日

遠宦逢生日承歡慰老親不禁南國熱誰道阮家貧一  
夏缺知信百壺留故人西征雖有賦嬾去遠平津  
萬里還家遠窮年住此都客來多勸酒醉起自投壺好  
月中秋近寒蛩小院孤去留無定日但覺媿潛夫

南州逢董清遠

清遠子鄉同年也今五臺有惠政  
棄官而歸耕于蔚州

國朝畿輔詩傳

卷八

三

逢君南粵去執手話江邊京洛一爲別燕雲復幾年還  
軌桑落酒歸種蔚州田共說爲郎日家貧不受錢

秦留仙客樓小集

迢迢荆楚路匹馬欲孤征雲物關兵氣悲歌變羽聲漫  
裁吹笛賦竊媿棄繻生寒暑貪杯酒聊申契濶情

秦留仙赴岳州兩夢見之

薄暮輕爲別扁舟去渺然干戈南國外雨雪大江邊信  
宿行應遠登樓望獨縣春來能幾日客夢益相牽

漢口逢驛使寄京書後作

久客浮江漢扁舟無定居春來寒食近老去故交疎計

日催行役臨風檢素書口中銜石闕憑汝說窮魚  
再寄京書後作

去國三千里封書欲寄誰杞憂常有淚瓜及尚無期湖  
雁歸飛急春江晚漲移獨將萍實采閒弔汨羅祠

送郭方伯石菴回洛陽

寒雨秋江急孤帆白浪新何堪南浦路重送洛陽人宣  
室虛前席旄邱老逐臣可知相別後獨旅益傷神

別朱天中前輩

目疾知全愈田乾可慮饑一秋常有夢此別會何時心  
緒臨歧亂封書下筆遲衝寒勞令子白首寄相思

國朝畿輔詩傳卷八

五

別程士哲

忽忽忽分手尊酒暫相寬前路杳無際浮雲良足歎素  
交零落甚歸棹雪霜寒幸見彭躬老爲言惜別難

次欒城

久客忘留滯長歌發興賒春風飛海燕虛館放山花馬  
渡垂楊緩巾隨落日斜孤城復何處向暮一吹笳

寄姜滙思

今日論交道誰如侍御深一行向歧路萬里背知音庾  
嶺下鄉淚楚猿來夜吟不堪從瘴海煩促故人心

柬陳伯幾

病客臥深巷獨行誰與鄰閉門秋雨靜多難道心親吉  
木夜吹火新詩日送貧君閒如見過隨意著衣巾

大報恩寺逢友蒼言別

正爾未能別相逢暮景斜久疎因在客多病欲辭家夜  
雨洗山骨殘春落澗花祖衣休早付待我過棲霞

人日次徐州

泗上逢人日長亭許更過春雲回白首客夢度黃河舊  
俗淮南異前賢沛國多至今小兒女猶唱大風歌

郢上卽事

漠北傳呼萬馬來一船兩槳敢輕開卽今暫泊劉郎浦  
國朝畿輔詩傳

卷八

三

何處還登庾信臺蔽日旌旗推衛霍哀時詞賦動鄒枚  
龍鍾似是投荒客歲暮囊空短髮催

晚次安陽

萬里歸途此再過十年衰鬢付蹉跎愁隨匹馬秋風緩  
行近孤城暮角多隴樹蒼茫連鹿苑銅臺蕪沒傍漳河  
兒童不解遺墟恨猶唱油油麥秀歌

答唐豹巖檢討

老眼逢君倍覺明相親如弟復如兄西園已賦十年別  
南浦何堪萬里情羈宦久傷劉夢得傳經獨羨鄭康成  
從過彭蠡常回望烟水重重隔舊京

送郭仲因內補

念君將別長垂淚况是明朝欲上船  
共過南州今獨返同遊京洛復何年  
秋帆白浪長江轉舊雨黃花古驛偏  
此去到家數千里途中幾見月華圓

憶昉兒

憐兒年少事浮名萬里鄉關只獨行  
久客諒無開卷日遠遊應念倚門情  
漁陽驛路經春雨浦口江帆計水程  
董賈有文能細讀不須惆悵在諸生

酬胡悅之見寄次韻

老向南州廢檢稜獨將風雨寄高朋  
閒居漫作論文飲國朝畿輔詩傳  
卷八  
退食渾如苦行僧江上看雲驚旅雁  
廚邊分火續書燈  
十年留滯歸期晚不謂尊鱸媿季鷹

旅館桐花葉漸稠故園書問隔邊州  
堂前舊雨催巢燕夜半長歌憶飯牛  
客路萋萋芳草細春江渺渺小山幽  
思君病渴須蓂朮竟答空函寄遠愁

成亮

亮字寅天號伍嵐大名入克鞏子順治六年進

士官戶部廣西司主事

大名縣志亮順治六年成進士遷庶吉士八年授編修改補戶部廣西司主事幼聰慧慷慨有志節甲申之變羣盜蜂起亮侍父克鞏避亂猝遇盜逼父甚急亮以身翼蔽大呼願身代父解

以刃不動盜義之捨去  
居母喪哀毀卒年四十

村居

秋入村居衛水新蕭蕭蹤蹟託荆榛桑田有政供吾課  
盤味無兼愛客頻風雨匡牀堪豹隱雲霄枯木半龍鱗  
朝朝晚起無多事課子橫經懶不嗔

謝泰

泰字彙征號建侯大興人順治六年進士官湖

廣竹山縣知縣祀忠義祠有蓼集編客中吟

廬見會山左詩鈔流寓傳公登進士知湖廣竹  
山縣竹山古之上庸層巖疊嶂猿鳥蹟絕下臨  
絕澗幽篁蒙茸人皆鑿罅中行前明餘寇猶據  
為巢窟崇禎初賊鄭七十養甲千人據邑之先

國朝畿輔詩傳

卷八

五

峯業後為義兒楊明啟所殺仍有其地依張獻  
忠為聲援又賊老當當五六萬眾盤踞邑中叛  
兵王二亂襄陽趨房縣蹂躪無遺川寇劉二虎  
郝搖旗諸賊從永棲營於犯前令寨居民止二  
害公初至無城郭棲於山頂營寨寨居民止二  
十家時川獠千餘人攻天城寨次及營寨公率  
鄉勇卻之而楊明啟虎視日久公以守禦未備  
設計羈縻事急乃發書請兵遷民入寨以三十  
餘人銃二具為死守計耶將蔣崇武來援公與  
合兵深入賊巢先破泥灣寨擒賊婦馬氏諸寨  
多降遂攻明啟公往來督餉值霽雨月餘恃險  
漲下不用公禱於伏魔廟天果霽明啟方恃險  
自若公復用計取小徑乘夜入破其寨  
明啟遁復鈞連劉二虎郝搖旗等帥萬五千人  
捲土而來公知營寨不可守移鐵壁蔣家寨與  
鄉民八十三人固守時蔣崇武已遷去新帥張  
士元不任事賊遂破虎伏寨渡河繞鐵壁攻羊  
角寨公乘間為書擲搖旗營離間諸賊諸賊果  
相疑久之知為公所給復進兵入竹山破蛟龍  
樂豐諸寨遂攻鐵壁時癸巳八月也賊築木城

周山腹二十餘里爲長圍公令鄉勇禦其前白  
堵其後前攻者多中鉛子墮崖下自平旦至日  
入殺賊二百有奇其攻後者公自擊之殺賊六  
百有奇賊乃退後十日賊運竹箭填後陴取平  
直上公夜以火毬照之發鳥銃斃賊數十人賊  
不得填陴乃以火炮來攻時九月望寨中無水  
公祈禱得雨兵士益卒二虎計窮乃與插旗更  
代圍守公潛使兩健卒穿木城一赴與安總兵  
趙某一赴郎陽總兵張某求救張援不至唯趙  
某呼使者問狀歎息良久乃命參將張德俊副  
帥化守登率三千兵星夜赴援時寨水復竭公  
入廟卜得凶兆欲自裁忽有四歲啞兒語曰援  
兵至矣越一日兵果至圍解公與二將追賊至  
太平寨賊多投鶯崖河死餘逆遠遁公前後守  
城與賊相持數十日追捕殺獲者無算一邑卒  
以獲全經畧洪公承疇上其功遷軍前督餉同  
知卒祀  
忠義祠

從軍行

國朝畿輔詩傳

卷八

五

月在人千里君從月下行不知君遠近惟見月華明斜  
漢垂秋澹寒蛩泣露清征旗何所往疑聽夜笳鳴

陳上年

上年字祺公清苑人順治六年進士官廣西布

政使參議

保定府志祺公奉繼母孝事伯兄恭無私蓄無  
違言鄉人稱之官廣西布政司參議逆寇破梧  
州迫以官毅不受幽  
抑以死事聞優卹  
朱葵尊江湖載酒集金縷曲送陳參議祺公之  
官廣西雁塞分襟驟七年來關河迢遞合弁難  
偶草草殘春相逢乍通潞亭邊攜手恨不見李  
生良久待踐深秋雞黍約奈匆匆畫鷁津門口  
萬里別一杯酒丹砂此去鄰勾漏派蠻江人家  
兩岸綠榕紅豆才子從軍繇來事况是黃金懸

肘擁千騎弓刀前後聽取連營長短笛  
譜武溪一曲南征又嶺外嶺柳州柳

### 題馮秋水方伯四知園

暗沼臨華檻平臺俯麗譙四圍青嶂落千尺白雲朝  
壁翻無路凌空忽有橋往迴多許地如歷石城遙  
卓粉人爭飾林居此最工右軍非汗漫彭澤本英雄  
濟世垂真誥憂時託草蟲更憐嘉會熟隨意到牆東

### 張宏儼

宏儼字容侯宛平人順治八年舉人有竹香堂

### 藁

### 懷崔仰山

國朝畿輔詩傳

卷八

美

羨汝安貧得靜栖門無車馬下簾低孤燈夜寂墮梁鼠  
深巷晝清聞午雞衣袖香生含露草腰鎌根刷帶雲泥  
遲君暫過蕭齋話一榻常懸古蕩西

### 曉發洛河

峭寒烈烈襲征裘洛水沈冰結細流晴色滿山青不盡  
雪消東北古邢州

### 山居

清

煮茗閒繙陸羽經甌爐種就火星星山居請課無他事  
消受溫甘水一瓶

國朝畿輔詩傳卷八終

國朝畿輔詩傳卷九

長洲陶 樑鳧薌輯

江都汪喜孫孟慈校

孫奇逢

奇逢字啟泰號鍾元一號夏峯容城人明舉人

國朝以國子監祭酒徵辭不赴道光七年奉

準從祀孔廟有夏峯集十四卷

四庫全書提要讀易大旨五卷孫奇逢撰是書  
乃其入 國朝後流寓河南時所作前有自序  
云至蘇門始學易年老才盡偶據見之所及撮  
其體要以示門人子弟原非逐句逐字作解故  
曰大旨其門人耿極為之校訂末附兼山堂問  
答及與三無道人李對論易之語別為一卷對  
雄縣人奇逢所從學易者也後奇逢曾孫用正  
復取其論易之語散見他著述者五條彙冠卷

國朝畿輔詩傳 卷九

一

首題曰義例跋稱原本序文凡例皆闕故以是  
補亡案奇逢說易不顯文圖書亦無一字及圖  
書大意發明義理切近人事以象傳通一卦之  
旨由一卦通六十四卦之義凡所訓釋皆先列  
已說後附舊訓其平生之學主於  
實用故所言皆關法戒有足取焉

方苞傳奇逢年十七舉萬歷二十八年順天鄉  
試先是高攀龍顧憲成講學東林海內士大夫  
立名義者多附焉天啟初逆閹魏忠賢得政目  
東林諸君子為黨由是楊連左光斗魏大中周  
順昌次第死厥獄禍及親黨而奇逢獨與定興  
鹿正新城張果中領身為之諸公卒賴以歸骨  
世所傳范陽三烈士也方是時孫承宗以樞輔  
經畧薊遼奇逢之友歸安茅元儀及鹿正之子  
善繼皆在幕府奇逢密上書樞輔樞輔以軍事  
疏請入見忠賢大懼繞御牀而泣以嚴旨過於  
途而世以此益高奇逢之義臺垣及巡撫交薦  
屢徵不起樞輔欲疏請以職方起贊軍事使元  
儀先之奇逢亦不應也其後畿內盜賊數駭容  
戚危困乃攜家入易州五公山門生親故從而



相保者數百家奇逢爲條教部署守禦而絃歌  
不輟國朝定鼎以國子祭酒徵有司敦趣卒  
固辭移居新安旣而渡河止蘇門百泉水部郎  
馬光裕奉以夏峯田廬遂率子弟躬耕四方來  
學願留者亦授田使耕所居遂成聚奇逢始與  
鹿善繼講學以象山陽明爲宗晚年乃更和同  
朱子之說其治身務自刻砥執親之喪率兄弟  
廬墓側凡六年人無賢愚苟問學必喪之  
卒工商隸圉野夫牧豎必以誠意接之用此名  
在天下而人無忌嫉者居夏峯二十有五年卒  
年九十有二天下無知與不知皆稱曰夏峯先  
生

魏裔介傳徵君弱冠廬墓固已有王偉元之風  
及左魏諸君子被黨禍一時知交削跡遠邈惟  
恐波連徵君爲求援於樞輔贖金於德民雖未  
能出之死地然當送瑞繞泣御前時其勢談亦  
稍減矣烏知非怵於王庭之揚也然害卒不及  
可謂善全其用者矣累經徵辟終不肯就以孫

國朝畿輔詩傳

卷九

二

樞輔之賢至契好友而不能屈其德純故不求  
世知其道隆故不爲時用易曰鴻漸於逵其羽  
可用爲儀徵

君之謂也

湯斌孫徵君墓志順治初公絕意仕進移家共  
城闕兼山堂讀易其中涵養益邃每晨起謁先  
祠畢退居一室誠心端坐卽疾病未嘗有惰容  
聞節孝事必爲表揚先賢祠祀廢墜者倡衆修  
葺著有理學宗傳四書近旨讀易大旨書經近  
旨聖學錄兩大案錄甲申大難錄答問口譜畿  
輔人物考中州人物考孝友堂家乘四禮酌孫  
文正公年譜取節錄蘇門紀事共若干卷  
又序先生於道慎擇約守發爲文章皆躬行心  
得之餘未嘗有新奇可喜由其說而持循之人  
人如非所能知其有關於世道則一而已矣  
紅豆樹館詩話徵君講學蘇門從者麇集巖棲  
谷飲雖不乏人而如中州湯文正公諸人皆從  
之遊出爲興朝良佐勲業彪炳載在史冊昔  
文中子講學河汾而房杜諸公皆其所造就此

一代氣運所係非偶然也徵君詩多樸實說理  
而品學卓越如岱頂蒼松豈屑與吟風弄月之  
輩較短  
長乎

### 述祖德

維我始祖肇自興州文皇召徙各卜一疇賈氏之莊爲  
世首邱代乏聞人桑土綢繆遷居北城會祖庇庶遺蹟  
我祖始衍箕裘締造維艱敢忘前修

於維我祖人號佛兒淳衷質行面背無歧年近知命始  
薦棘闈十年作吏冰雪自持宦雖不達人信無欺子孫  
會元繁衍維祺祖德維馨令譽永垂

於維我考是謂克家兄弟異乳門內多誨考心用傷動  
國朝畿輔詩傳

### 卷九

三

忍彌加前承後啟矢志何涯色養北堂獨力孔嘉豪士  
悲歌野老桑麻彥方君實攜手同車

於維季父訥訥古人不達世務不入俗塵寧固寧儉獨  
守其真與物無競返樸還淳下董生帷守原憲貧我從  
問業不墜迷津司鐸鄴下教澤猶新

惟我伯兄賦性磊落人所牽纏片言領畧雖值家乏意  
忘寂寞杯酒浩歌情有餘綽保安鄉曲輯強扶弱居荆  
軻里奉劉琨約兄也實師父命從學

惟我仲兄賦性和易履道坦坦蕭條高寄義激於中瑄  
禍不避悍使之馴貴不敢媚得飲酒清晰涉世義長而

有述老學更遷庶幾有聞以醒爲醉

祖爲廉吏弟能繼之考有懿德弟能宣之爲人爲子庶  
其無虧朋友切切兄弟怡怡武學七載不怕鬼窺武城  
年餘不慮人嗤無百畝田有萬首詩

憶三君

弁序

三君者謂無錫高景逸關中馮少墟吉水鄒南  
皋也三先生於神廟時聚講京師偶觸其遺事  
悵然恨昔日之未獲一見也因追憶之以志企

慕

憶昔神廟問海內推三老都門設講堂福清爲主道時

國朝畿輔詩傳

卷九

四

彥蔚如雲日夕資探討我時遊京師攝衣欲往造友人  
偶有見尋師當自考未幾三老去我亦竟潦倒今逾三  
十年海內鮮盟好後輩律前輩方悔見未蚤初疑賢才  
生天地實浩浩曾閱與由賜接踵入懷抱誰知竟不然  
真人非易保卓哉三君子立身如日杲言爲世羽儀披  
對塵心掃古人異代交猶思薦蘋藻我雖覲面違私淑  
豈草草

秉燭吟

客裏逢人曰草堂一題詩題詩識夙昔非以耽文辭五  
十謝公車八旬坐書帷白頭竟如斯辜負垂髫時因思

衛武公耄年何所窺獨此嗜學心想見有循持人莫不  
飲食其味鮮能知人莫不由戶由道者其誰合則一切  
合離則一切離非可冒昧承冒認祇自欺乾坤原易簡  
陰陽自偶奇時物任行生俯仰夫何疑古來賢達人別  
是一鬚眉秉燭光幾何勉勉有前師

人日

百樓逢人日行年五十七往事抵掌間酸流骨孔出田  
無負郭半終鮮治生術春官十一上匹馬歸來疾自分  
甘林壑富貴非其質此行雖勉赴筋力已全失幸有清  
修人所學稱入室朝夕共嚶鳴何事不可畢有兒已成  
國朝畿輔詩傳 卷九 五  
行長幼頗秩秩大者知名行小者亦和吉兄老興尙酣  
弟復工音律天以娛我老竊附民之逸

贈慶堂老人

燕國有遺老曾爲魏博士八十赤子心明目猶聰耳囊  
中無一錢盤餐且盈几坐逢吳廣文亦是古君子談偶  
及文人猥稱吾啟美觸我憶弟懷欲行仍復止借憩帝  
君傍寤寐思所履疎者可使親親者豈容委亡室君女  
弟君室我從姊瓦首憶往昔百感齊集此

贈竹苞

憶昔識荆日忽驚三十年謀生笑我拙聞道喜君先著

冷心無滓官微教有權此來聯舊好前輩自名賢

長至

日臨長至雪霜深倚榻圍爐酒自斟一代是非誰共語  
百年感慨入孤吟閒從竹石同幽夢靜向琴書寄遠心  
此際陽生人不覺貞元消息好相尋

客榻

暮春猶自怯寒侵一榻南州意獨深莫遣塵情封面目  
好從清夢見天心傍依豈是安身訣訓詁終非度世鍼  
攜得白沙詩幾首幾回臥起幾回吟

抵東昌以詩謁蓬元先生

國朝畿輔詩傳

卷九

六

言念真人天際看清風鼓我入煙蠻紫雲已臥東山謝  
青海猶傳西夏韓道在豈虞天地老心閒殊覺夢魂安  
卅年仰止登龍晚願共滄溟理釣竿

登禮賢臺

偶爾踰垣一癖士繫人千載式廬心雖云古誼今難再  
事去臺荒蹟可尋

劉仲涵園牡丹盛開

爛漫花香人羨奇賞花偏向未開時乾坤不盡開時色  
爲屬東君好護持

悼兄

竹馬肩隨近古稀白頭心事更依依荆花落盡難歸樹  
目斷天空一雁飛

### 李孔昭

孔昭字光四號潛翁薊州人明進士入國朝

### 不仕有秋壑吟一卷

寶坻縣志孔昭天性孤峭崇禎癸未成進士見  
世事日非不赴廷對奉母隱於盤山我朝定  
鼎求遺賢撫按交章薦謝病不出一日當道遣  
吏持書幣往過負薪者呼問若識李進士耶負  
薪者張目曰問李進士奚若吏具道意乃以手  
遙指負薪去吏至其後屢矣鄰叟曰若面失之  
向所見負薪者是也後屢物色之卒不得當道  
太息而已寶坻劉繼寧方擇師慕其高義固請  
許焉每一念母雖深夜必歸庚  
子卒門人私諡曰安節先生

### 國朝畿輔詩傳

### 卷九

七

梁清標傳初孔昭聞都城變白衣冠哭田間者  
三歲喪妻不再娶奉老母入盤山躬自樵採形  
蹟數易人無識者鄉里感其義有某孝廉當上  
公車輒止不行曰吾出郭門一步何面目見李  
乎光四

紅豆樹館詩話處士愛陶詩晚自號潛翁蹟其  
出處亦與靖節同與杜文端公立德少同學長  
同年寄文端詩曰黃門青瑣君思我流水高山  
我憶君時當道微辭文端勸駕而處士招隱一  
時傳為佳話梁蒼巖相國登盤山訪同年弇光  
四不遇留詩憶蒼巖看花傍帝畿十年遊弇光  
鴻飛登山欲問湘江叟風雨冥冥冷釣磯商邱  
宋中丞攀桃花寺弇李光四處士句云鹿裘邈  
何許猿鶴尚思君山高水長其風可想又處士  
句棋為輸人歇琴因好我隨嶺同詩骨瘦雲比  
道心濃皆別  
有寄託也

### 九日飲香林寺

秋野曠無窮登臨心欲空白雲浮古寺落葉冷西風人  
醉高臺暮樵歸遠樹紅年華今又晚懷想在陶公

題董元宰山水

尺幅數千里澄觀可曠神山深微見寺村小靜無人嶺  
樹疑含雨溪橋定隱鱗世間有此地應住避秦民

題畫山林

山色四時碧懸泉今古流遠崖何代寺近竹幾家樓水  
靜紋成練松高枝半虬草亭人對奕勝鬻未曾休

盤山李靖庵秋日作

古刹高山秋早寒幽居清景隔塵寰天空野色連窗際  
國朝畿輔詩傳

卷九

八

人盡風聲在樹間片月獨涵潭水淨萬松長鎖白雲閒  
靜中禪客無聞見嘹唳西風雁自還

秋日蘭坨村留別春林

暑雨閒堂日對棋秋風蛩砌動遊悲劉伶送客百壺酒  
李愿歸山兩袖詩燕塞樹懸孤竹月蘭坨人繫薊門思  
懷君欲獻延年藥採菊相迎霜降時

杜越

越字君異號紫峯定興人明諸生康熙十八年  
薦舉博學鴻詞未試

特授內閣中書有

紫峯集十四卷

四庫全書提要紫峯集十四卷杜越撰是集乃其門人楊湛等所編凡詩四卷詩餘附焉雜文共十卷越受業於定興鹿善繼平生惟以砥礪行誼講明道學爲事故鄉里推爲耆宿而文章則非所長湛等所編旣多錄應酬代筆之作又不甚諳體例其雜錄中有龍王廟募緣一篇乃七言古詩而編於文中其所作祠聯壁聯書齋聯一備載尤爲冗雜玉山雅集載聯額別自有義非此之謂也

畿輔通志越與孫徵君奇逢友善互相砥礪學成以修不求知達一時名彥無遠近咸師事之王餘祐杜先生墓志鹿忠節倡學江村四方景從公首執贄究極理奧忠節特異之因字曰君異乙丙間璫焰灼天下偵卒如蝟有異議者輒行羅織范陽尤逼璫耳目左浮邱督學畿輔於公稱知遇左罹璫禍而魏忠節廓周忠介麥洲兩先生亦被逮公毅然曰恥不與黨周忠諫豈遂絕乎乃同鹿封君孫徵君倡同志釀金納贖不少避時廓園子學泮蓼洲友人朱祖文俱納

國朝畿輔詩傳

卷九

九

廣柳匿江村公周旋複壁間卽甘株坐如飴也公於書無所不觀發爲詩文刻峭深秀自闕堂與性工書愛藏真帖而蒼秀飛動實過之求者戶限幾穿戊午開博學宏詞科公不就試嘗語名最誤人因題壁混蹟依鷗近

藏名應馬真蓋心有所深省云  
王士正居易錄定興杜君異先生鹿忠節高弟家貧教授生徒以給餽粥麤糲衣褐苟完而已卽束脩亦不受孺人與同志紡織佐之與人處油然和易終身無疾言怒色而剛介絕俗有壁立萬仞之概亂後居新安新安人化之風俗一變老穉婦孺親如父兄年八十餘飲啖不衰縣人高尙問以養生之術曰無之但平生未嘗嗔怒或以此得老壽耳所著紫峯集趙少司馬玉峯士麟爲刊行趙云至聖言過勿憚改若先生則無過可收楊常少敬菴爾淑云先生年八十未嘗一日不樂予謂邵子居洛四十載安貧樂道生平未嘗攢眉先生始庶幾矣  
李富孫鶴徵錄先生志行高潔不求聞達家貧布衣蔬食授徒自給一時名彥咸師事之薦舉



至都以老病請於吏部不與試故部議不及  
特旨以文行素著與傅山俱授中書是時  
年八十有四自  
古未有之典也  
按紫峯先生晚年舉鴻詞科與傅山人青主  
以病同不就試故編其詩不入鴻博卷中

### 夏日書事

長夏恒掩關蕭條寡良晤連陰晝不開時見雲奔赴未  
卽成滂沱浙漚驚高樹纔聞檐霑息又灑谿邊路花落  
滿莓苔塔堦誰緩步久病獨支離陰霽莽迴互蛙黽亦  
何多叫噪垂楊渡

### 楊志祖見詒忠愍手蹟

搗得平原帖行間暈日星丹楓留草疏翠竹失蘭亭筆

### 國朝畿輔詩傳

#### 卷九

十

想拳應握書傳墨尙馨文孫存氣骨脫贈意惺惺

### 王餘祐

餘祐字申之一字介祺新城人明諸生有五公

### 山人集十四卷

四庫全書提要五公山人集十四卷王餘祐撰  
餘祐本姓宓先世爲王氏後因不復改明未避  
亂易州五公山因號五公山人後流寓獻縣子  
孫遂爲獻縣人餘祐在前明爲諸生受知於桐  
城左光斗喜談氣節其學則出自容城孫奇逢  
定興杜越以砥礪品行講求經濟爲主故立身  
孤介刻苦有古獨行之風然恒以談兵說劍爲  
事又精於技擊喜通任俠不甚循儒者繩墨其  
詩文亦皆不入格考證尤踈如謂西洋呼月爲  
老瓦杜詩莫笑田家老瓦盆卽月盆也如月琴  
月臺之類取其形似按歐邏巴人至明萬歷間  
利瑪竇始入中國杜甫何自識其譯語又謂古

詩為樂當及時焉能待來滋滋為草名又名解  
縷易於滋長卽蘇也按古詩本作來茲字本呂  
氏春秋今茲來茲猶今年明年高誘註甚明餘  
祐殆見悞本古詩茲字加水因生曲說又題  
水亭印數稱本說文正譌玉篇諸書周伯琦六  
書正論雖偏僻猶是篆體顧野王孫彊之玉  
篇則全是隸書何與摹

印之事亦太不詳檢矣  
魏忠賢竊柄賊害忠良  
余從祖忠節公被逮詔獄從父子敬公尾縱騎  
後徒跣至京師時選卒如蝟夜行晝伏匿定興  
鹿太常家大河以北相與周旋患難奮不顧身  
者有容城孫蘇門徵君范陽張果中布衣杜紫  
峯處士獻縣高斗南鴻臚雄縣李華五秀才以  
及徵君之門人五公山人其一也山人生而英  
敏善讀書年十六補博士弟子員桐城左忠毅

公視學畿輔覽其文奇之隨繼父悵嬰公之任  
臨邑歎食祿者不能實心任事條列時弊數千  
言上之辨當事意調魯山實困之也時流寇充  
斥山人見時不可為勸恢嬰公解組歸未幾遭

國朝畿輔詩傳 卷九

本生父維嬰公之變痛不欲生又念恢嬰公老  
身死缺養乃奉二親廬於易州五公山之雙峯  
村躬耕犖犢給甘旨暇則述作入城山者垂  
三十年故世稱五公山人歸節公倡道  
江村山人年尚少從之遊自魯山歸師事孫徵  
君益闡性命學徵君深器重之後過范陽又受  
學於杜先生其學以明體達用為宗閑邪存誠  
為要原本忠孝敦尚氣節凡古今成敗治忽事  
機得失以至一名一物一藝一術無不留心究  
析始則時衡時事慕陳同甫之為人垂老讀史  
至謝臯羽鄭所南諸君又未嘗不掩卷流涕也  
及交遊餽遺介然不屑受卻金之節世咸重之  
晚年應餽遺介然不屑受卻金之節世咸重之  
剖抉性理皆別出新義著有居諸編  
乾坤大畧諸葛陣圖通鑑獨斷諸書  
李興祖序先生博極羣書自禮樂兵刑下至耕  
桑藝植醫藥卜筮無不窮析端委極橫上下  
之識數千百年事如燭照數計及指陳得失蒿  
目時艱真有坐而言可起而行者乃巖栖谷飲

齋志以歿不得見諸敷施爲可惜也先生嘗語及門曰詩本性情必以忠孝爲根柢子美入蜀子瞻海外忠君愛國之念肫然於中觸景流連遂爲詠歌嗟歎不已學古文先正心術心術正則理足氣昌醇如董江都愷切如陸敬輿自無牛鬼蛇神之習余至今佩服不忘

### 雪後寄田治埏

冬深白雪寒山遠烏薪貴伊人寂不聞得無折膠畏凍雀棲僵枝寒兔蹲蒼卉萬物當枯槁嶺梅正香沸所以天地心剝盡復當暨寄語拈花人笑閱巖凝氣

### 二十吟

人誰無意氣勢壓輒卷舌化作繞指柔未語喉已結吾黨有直者百摧氣不滅公義在人心疾風知勁節毒燄烈於火傲骨勁如鐵倘令居廟堂朱雲檻可折倘使臨戰陣巖顏頭可截噉彼從流人空腔本無血

### 野牧篇

貞白當年畫兩牛一牛驅策金籠頭一牛閒散恣水草牧放田野何優游水中墟邊野牧子超世適情正如此十畝爲園半畝宮老守蓬蒿足經史九載孤居似輞川半世逃名如栗里多年足蹟不入城袖詩跨蹇市人驚非因失稅倉皇過卻遇論文子細評水墨數枝羞富貴麻衣幾部藐公卿手持松花索題字愧余此道無斌媚悶揮不律草長歌留與隱居作同志

土室初成漫賦

當年志和孰枯槁築室越州殊草草片椽不解施斧斤  
豹席櫻履恣幽討時有觀察陳少遊訪嫌門隘不堪掃  
特爲買地拓其居回軒至今人爭道我家僻巷臨清漳  
自擬十洲浸三島壘土爲室不設門日月出入雨亦好  
蓬蒿滿徑護幽棲經史堆壁富良抱有客蓬頭坐捫蝨  
哆口縱談及莊老高車駟馬總不過牧豎樵夫時一造  
明春思結稻香闕臥督春耕看晴昊鳩巢三柴足經營  
鶴棲獨樹亦壽考丈夫適志在隱淪豈必居處工華藻  
淡薄寧靜有成模吹畝之中蘊至寶四海風塵任喧寂  
國朝畿輔詩傳 卷九

三

平地山林長熙皞

彭孝女割股療叔

阿叔事嫂如事母阿姪事叔如事父共本庭幃愛未分  
生意相關同甘苦阿叔有恙女心悲豈惜霜鉞刺雪股  
德鋤諍箕伊何爲只緣一體各肺腑若使華萼不殊榮  
肯教枝葉偏遭腐使君恩義定超倫此女顧復不異親  
膝前怙恃真情重感激由來等二人

三秋未到愛竹軒冬初小集卽席賦

菊月稀來訪相邀及小春瓶花寒更豔家醞醉尤醇琴  
韻消塵累吟情羨古人坐深忘去住潦倒任天真

與朱貞明話舊

四十年前事依稀昔夢中相看悲髮白共對羨花紅不  
作漁樵計還憑著述功夜來明月下細訂此心同

靜處

靜處無餘物隨緣事事齊倩人常送束隔舍每呼雞種  
火因蒿瘦塗房就雨泥更多乘興處雜草過前溪

深秋自灌藝居過漳橋

吟詩出小塢瘦蹇閱田園曲岸高低樹平疇遠近村紅  
黃秋葉色濃淡野雲痕前去橫舟渡滹沱水欲噴

步答魏澹園

國朝畿輔詩傳

卷九

十四

平生豪宕意白髮作閒人倚馬心猶壯屠龍技已貧酒  
杯妨病眼詩卷累餘身勗我真良藥躊躇動遠神

贈一心上人

鐵衣著盡後撒手入禪林法水洳腥血流雲淡熱心半  
龕眠石榻一衲傍松岑新遇藏山叟忘機聽鳥音

用寄陳藹公韻示文輔

後世人難問先憂計總疎已淪中下策空負短長書交  
自分今古吾誰問毀譽壯心看漸冷且共老江漁

閒居

不作繁華夢閒居致儘幽入門安犬竈出寺上僧樓桃

食頻藏核書鈔旋記籌近來牀架滿方藥雜詩籌

贈寂如上人

閱盡滄桑變江湖一葉身逢人休說法入世却離塵鷗  
渚看常盡松風聽自真書窗連夜話茗椀總經綸

弔朱貞明

一生俠烈氣熱血沸重泉力屈空填海魂歸欲叫天淒  
風悲馬鬣苦月冷漁船蘆荻蕭蕭處誰憑義士阡

過立節弔袁紫烟將軍

一世英雄氣蕭條何處歸龍精埋地血馬革繡苔衣空  
憶頻陽臥難籌卽墨圍遙憑宿草墓雨淚不勝揮

國朝畿輔詩傳

卷九

五

步魏澹園韻

終日坐林端閒聽鳥雀歡避喧無樂土得隱是王官草  
樹經霜苦江山入夜寒所籌不易就天外舉頭看

重過廣福寺舊日留題悉爲僧洗去因示趙一六  
重披苔徑過雙林舊日留題竟陸沈洗壁猶嫌名已贅  
支筇我與世無心地偏應有烟霞癖綠靜仍思鐘磬音  
得子尙羊成狎晤往來莫厭酒杯深

寄覺明上人

振衣歸去隱幽嵐半壁脩篁一勾潭倚石有時題硯北  
拜書偶爾效和南谷深人語綠樵徑林靜經聲想佛龕

莫怪邱園清興劇，違公會約結高譚。

偶句足成有懷山中諸友

雲樹千層水一灣，幽人此際好閒閒。  
釣磯坐去攜殘卷，樵斧腰來耐遠山。  
甯子不離牛口下，石生何事馬蹄間。  
總無長統良田樂，邱壑生涯足閉關。

偶感

三徑荒蕪豈遂居，鳥巢魚窟更安如。  
逢人只合長緘口，避客終當諱讀書。  
船入竹中聊斷問，蘭生道上亦妨鋤。  
從今玩世休希阮，一味猖狂計尙疎。

偶興寄示魏澹園

國朝畿輔詩傳

卷九

去

春來楊柳幾枝枝，盡日關門懶賦詩。  
客爲厨貧相過少，家因山遠去看遲。  
閒中避疫憐殘喘，臥內書符賺小兒。  
料得渡頭爲圃伴，杏花春雨足相思。

癸丑省墓始讀參甫橋梓及光遠瑞齋界埏治埏  
爲先君亡兒鑄立墓碣雅誼昭然不勝感愴惻

然賦之

三年兩度拜墳塋，枯草寒烟感愴生。  
荒冢傷心遊子恨，新碑墮淚故人情。  
九泉何處澆杯酒，八口終朝滯客程。  
寂寞青山千古意，不堪回首暮雲橫。

讀史

六國分肌啖虎狼馮亭歸趙慮應長廉頗合使終堅壁  
毛遂無嫌緩處囊上客徒知憂肉盡羣英誰解念唇亡  
千秋高義惟東海萬乘談空豈爲梁

宮姬冢

故宮隨國破遺蛻逐塵埋冢畔游龍草盤盤似鳳釵

同介侯往巖下

欲共登臨興正新瘦驢短策踏莎茵莫愁前去無知己

一路青山盡主人

賦懷

一杯到手萬緣空十載論心此夜同不惜乾坤留夢蝶

國朝畿輔詩傳

卷九

七

敢將毛羽付冥鴻

輓徵君孫夫子

一世清霜徹骨清兩朝輪幣九州名少微星暗江河淚

慘淡人寰罷杵聲

飲十錢社步允升韻

一觴一咏一間身桑海年來閱歷頻賸得老夫薑桂意

隨場浪作醉中人

寄嵩高

春雲流雨漲江沙幾處漁舟傍落霞樵擔輕挑思喚渡

晚風立盡夕陽斜



贈蕭和陽

一徑蓬蒿半畝居，短垣雲度總蕭疎。  
逢君青眼開塵榻，細閱中郎枕內書。

偶感

春來萬木綠芳齊，多少遊人聽鳥啼。  
可惜城南紅杏發，無人載酒上唐堤。

示壽伯

一曲春流抱竹叢，數間瓦屋石橋通。  
四圍盡是青山繞，西北高雲罩五公。

齋中

國朝畿輔詩傳

卷九

六

紫茄白苧蔡樽家，一室琴尊對五車。  
門外升沈都不問，年來心事寄南華。

哭亡子咸

膝下承顏十四年，曩詩猶貯隱山篇。  
童烏七歲參元理，未肯楊家一類傳。

入門滿眼總成悲，遺佩殘纓尙陸離。  
事事爲兒收拾好，似兒猶有再來時。

魏一鰲

一鰲字蓮陸新安人，明舉人，官忻州知州，祀鄉賢，有雪亭詩草。

蒼巖山限韻

山怒拔天外雲間不受拏檀林失白日藥草薦新茶磻  
陁梯登岸樓空疊放花黃昏鐘磬發驚起欲棲鴉

張拱垣南師山莊

一水下園蔬千山環徹廬曉雲填斷嶺暮鳥喚歸鋤樹  
蔭天疑雨沙明蟲著書無勞知魏晉午夢正蘊蘊

王體健

體健字清有曲周人明諸生有讀騷齋詩集

曲周縣志體健介子前明諸生伉爽有奇氣值  
兵荒苦盜以什伍法部署里人皆獲無恙國  
初棄舉子業從夏峯孫徵君講性命  
之學深入突奧喜為詩入元白之室

國朝畿輔詩傳卷九

九

申涵光序清有先生晚篤理學而好詩不衰負  
笈蘇門觸緒成詠所謂見周茂叔後吟風弄月  
有吾與點  
也之意

和陶飲酒詩

千載仰高風常懷郭有道託志苟無欺窮困何辭老自  
幼寡歡諧因之就枯槁不知與捷足相視孰為好我聞  
古人言人生各有寶仲子匪能廉猶當推物表

擬明月皎夜光

四時遞成歲鳴雁一何悲月色照霜華九月尚無衣我  
有貧賤友誓願不相違一朝處異地春榮對秋萎南箕  
與北斗徒有虛光輝

韓烈婦

漁陽甲馬幽州兒東向關門隨貳師天子數下軍中詔  
將軍醉臥甃甃笑平時紀律幾會聞此日遺憂在廟廟  
人傳鼙鼓塞垣入士卒已指鈴閣叫日章子婦韓鐸妻  
一旦生縛馬上啼飛光神慘沙塵暗冰腹寒侵草樹低  
初望能歸尙一可歸既不能須殺我常山今爾屬蛾眉  
霜刃斜飛僵道左腦血相看交迸流孤魂應逐秦雲秋  
丈夫空有綱常責汗簡何人紀髑髏

高 鑄

鑄字薦馨清苑人有淵頽集四卷

國朝畿輔詩傳

卷九

干

畿輔通志鑄嗜古善書得米襄陽筆法著述甚  
富詩有陸舟蘆中依雪浮家四集雜著又有義  
烈金蘭  
等編

池北偶談淵穎嗜酒好遊名山水自負銳鑿每  
得句必題詩手鑄之常游林慮竟日忘返聞峯  
下耕者喧呼回視向所來處乃知衝  
虎過也其門人陳僖藹公編其集  
紅豆樹館詩話薦馨從容城徵君游嘗撰義烈  
編紀甲申三月二十四日流寇陷保定死難諸  
人纖細無遺所居在白洋淀側地多葭葦自賦  
蘆中人葢亦振奇慕義之士也詩多獨造語春  
愁曲一篇尤  
神似李昌谷

題楊生壁

谿山無俗情雲夢深昏曉歸訪素心人路闢光已昏看  
烟投一林霜滿孤村小燈火夜方靜清言佐佳醪淡月

影沉沉衡宇幽花繞

飲寒影齋

古壁滿青熒香甕欲掀倒所憐癭影寒春緒發幽嘯小  
枝晚破冰疎斜呈澹妙杳無夜笛吹有力風難掃依然  
太古時月落成元縞

招隱詩

購彼西山田開荒翦荆榛丹葩恣流覽白雲怡心神雖  
無爵服榮豁落全其真幽人時往還話此屈與伸良苗  
濯小雨離離無纖塵可以慰長飢策杖娛良辰  
經始東海廬徘徊觀古今灑灑無津涯樂是書與琴明  
國朝畿輔詩傳卷九

三

柏山

杖拖帶秋雲迢迢躡層嶺長林半葉紅朝旭倒其影一  
徑入深荒到寺塵心屏竹樹何蕭蕭水泉何冷冷寄靜  
愛山僧引勝窮靈境週圍嵐氣合中矗蓮峯靚老柿密  
參天居人類箕顛

東園

爲園七畝邀晴峯選花購石開荒窮粲眼葳蕤在霞外  
高月遙遙照夕空春光九十如走馬人情爭向傾杯竿

三時不收義和鞭  
冬秋欲候先迎夏  
妍淒互易筆追寫  
歡娛牢落那能假  
欵仄細徑閒余步  
歸來小閣翻書素  
惻惻悽悽嘯愁鳴  
幾見郊原獵寒兔

春愁曲

溼烟柳岸隔蘭若  
迴塘澹白春漠漠  
寒姿晚態小窗閒  
梅風吹動春衫薄  
鷗翻流浪點青渠  
綠房幽韻耐攤書  
雲北雲南牽不斷  
長眉愁結懸如綫

國朝畿輔詩傳

卷九

三

國朝畿輔詩傳卷九

終

國朝畿輔詩傳卷十

長洲陶 樑梟薌輯 錢塘吳長卿更生校

申涵光

涵光字和孟一字孚孟號鳧盟一號聰山永年人貢生舉孝行辭不就聰山集八卷

四庫全書提要聰山集十四卷申涵光撰涵光字孚孟亦作符孟又曰和孟復自號曰鳧盟取與符孟字音近也明太僕寺丞佳允子是編首列年譜傳志一卷次文三卷詩八卷附荆園

小語一卷荆園進語一卷皆所作語錄也畿輔通志涵光博學能文尤長於詩弱冠名噪三輔晚年名益重與殷岳張蓋稱畿南三才子魏裔介傳鳧盟少穎異博涉經史下筆為文章高潔岩逸超出尋常蹊徑外顧善為詩端愍公游宦四方在家鍵戶不干戶外事甲申避地廣

國朝畿輔詩傳 卷十

一

羊山與鉅鹿楊猶龍澤殷伯巖為患難交會京師陷端愍公殉難扶柩旋鄉力耕課二弟誦先人遺書足蹟絕於城市鳧盟既屢顯場屋又痛辟愍公殉難春露秋霜環冢而號時 詔郡縣辟舉孝行有司欲以鳧盟名應力辭之上書曰孝道至大昔賢所難名雖不肖豈敢以終南片席為梯榮地哉有司乃止同郡中表王襄璞為山右方伯邀至署未幾歸襄璞訝其速答曰此中有高士傅青主貧居不能蔽風雨公以身下之勝於光之留多矣襄璞為之捐俸買宅一時傳為盛事辛丑弟涵盼成進士選庶常鳧盟亦貢入成均辭病不起 廷試曰吾才不堪仕宦耳丙午弟涵煜登薦戊申 詔舉山林隱逸之士余謂鳧盟稱其選欲言之當事鳧盟託弟隨叔婉辭余欲成其高亦遂已鳧盟詩一以少陵為宗而沐浴於高岑王孟性不喜釋老解琴理交友不濫生平同聲氣者不過數人拯危扶屯挽殷伯巖於寇難 騶李志清於戍邊赴義有如饑渴取與間一毫不苟晚而學益進悔名之為累也蓬蒿滿徑長吏式廬者遜避不出官

其地者愈重之邑人執贄問  
字者亦不拒卒年五十九

鄧漢儀序鳧盟之詩迺源樂府取法少陵而温  
柔敦厚一秉三百篇之遺意故其旨緒蒼涼小  
雅之諷諫也哀樂中情國風之唱答也稱引先  
世蓼莪之微情也顧瞻宮闕率土之深感也以  
至零篇雜著莫不討核源

流而大翼乎性情風教

池北偶談申鳧盟同學多爲大官申獨隱居不  
出有故人自京師寄書申報以詩云日日秋陰

命筭輿故人天上落雙魚荷花未老新

醪熟爲道無間作報書其簡傲如此

汪琬說鈴申鳧盟五七言詩氣體極高老子尤  
喜其七言絕句含蓄凄淡使置唐人詩選中未

誰比

王暉今世說申涵光父節愍公盡節

後以理學訓其兩弟皆能立身揚名

茶餘客話申鳧盟見蘇門先生後大書於門曰  
眞理學從五倫做起大文章自六經得來

### 國朝畿輔詩傳

#### 卷十

二

紅豆樹館詩話鳧盟隱不違親貞不絕俗同時  
鉅公皆以古獨行見推而鳧盟遂得於泉石餘  
閒研求聲律畿南詩教自君大振聰山集古體  
取材魏晉近體專學唐賢儔然塵壒之表誠風  
騷之矩矱雅頌之正宗宜也  
靖七家詩選中取爲壓卷也

### 歲晏

束髮未更事姓名慚不張遠遊就賢達斯道相扶將但  
挹椒蘭馨不虞荆棘傷揚眉閱時輩一息週八荒登高  
望古人顧影恒悲涼毀譽互因依崎嶇變否臧中宵起  
長歎欲晦迺無方羨彼沈冥徒空外恣翱翔

歲晏百物息草木隨風沙松柏慘不舒况彼園中花層  
陰晝蕭條微霰時復加林中常鳴孤屋上常鳴鴉豈不

思遠遊負手還咨嗟陽氣動飛灰枯萋漸萌芽嚴威蘊  
華滋深藏古所嘉

東鄰富珠玉華屋眉常顰西鄰褐不完絃歌無冬春人  
生各有適苦樂豈關身詩書敦古懷山川多嘉辰斗酒  
良亦娛况遇同心人寄語結駟客莫憐原憲貧

聞昔高隱流賣漿與賣卜旣以韜其光又以供口腹闔  
閭競刀錐疾毒生梁肉仰愧棲風蟬俯羨悅草鹿四體  
惰不施於何望麥菽早稅安鷄豚鞠躬謝多福春風坡  
草青戴雨牧黃犢

少年矜意氣抵掌瀝肺肝尊中酒尙溫談笑生波瀾但

國朝畿輔詩傳

卷十

三

念今時非不言昔時驩寵歇難爲容罪誤誠多端昔當  
貧賤中努力同艱難

拂纓著明信結交盡豪能皮衣謁皇甫折柬招李膺長  
嘯望天關頗爲時所矜良會倏雨散車馬隨奔崩覲顏  
翳寒谷寸心無所憑真鴻負青雲稻梁多繳贈覆我白  
玉杯解我朱絲繩鍾期難再覲山水誰復稱

荆吳隔大江風濤不可涉短衣凌荒岑拄槩撥寒月元  
雲閉河梁故人書久絕目招誰家兒輕揚弄綺陌投我  
蛟螭羅繫以雙玉玦我畏不敢過中途自改轍弱草披  
澗陰梧桐峙高闕本非同根生榮瘁應各別



我有太阿劍寶氣常干霄飾以藍田玉淬以鸛鷄膏出  
入常相隨有如貧賤交時平適不用共棄荒山坳田父  
顧之笑欲刈蕭與蒿  
盛名難久居直木誠易傷試觀繞指柔豈盡常悅康乘  
威自啖食華廡擬未央白日照中天林葉難爲霜歧路  
各踟躕君子務謙光

夜坐

積雨晦深巷高梧滴清響浩然天地間秋風生餘想夙  
昔寡疑慮萬事如在掌多難志氣衰歲月空俯仰含辛  
對落葉朋遊半宿莽常愧古人言識道年已長出門望  
國朝畿輔詩傳 卷十 四  
四方道路多魍魎白雁叫霜空孤燈照書幌

懷路氏妹避亂江南

大江渺無極有妹隔絕久豺狼滿道塗衡門但株守四  
年闕會面憂來淚盈斗憶昔避亂初蒼茫舉家走爾實  
難爲別纔爲兩月婦地圻良木摧變生別離後我父競  
臣節嗟哉萬古壽賊帥索金珠衣冠困枷杻脫身來注  
臯痛哭吳山口相見如夢中驚魂暫聚首輦金視權要  
進用雜糧莠吁嗟咸陽焚胭脂井重垢徒步返故山荷  
鋤事南畝雖因母在堂偷生愧顏厚汝浮炎海濱家園  
空戶牖淮北長蒿蓬兵戈亂江右估客頃南行寄書知

達否風波萬里外天命復誰咎不敢常酸辛強笑慰慈  
母

春遊

風沙蔽遊日久旱春蒙籠城中草青出無乃園花紅今  
晨雲日好壺觴招所同出門池水淨纖鱗亂碧空溪柳  
鳴布穀滿路迎飛蟲散行無定步時入麥畦中桃梨間  
緋素因嗟造化工先子昔南歸角巾對鄰翁手植數竿  
竹繞舍成寒叢揮酒澆竹根再拜來清風瘡痍日未已  
城巷生蒿蓬我園適無虞嘉會復難逢頻來無早暮塵  
世俱恩恩

國朝畿輔詩傳

卷十

五

送宋玉叔吏部兵備隴右

燕雪照西山邊風吹去馬袖手如懷冰離觴豈堪把我  
初入都時君方罷藤署傾心縱譚諠恐我先歸去君今  
官赴秦畫戟雙朱輪念我胡留滯翻作送歸人征塵如  
飛霧漸轉烟郊樹望君久駐立亂笳催薄暮

將出都留別故人

蕭寺客已久鄉心亂歧路將歸翻不樂踟躕爲朋故十  
載棲雲岑舊遊隔烟樹豈不勞夢魂田父戀場圃重來  
如夢中傷心歷歲暮所幸文章伯招尋忘旅寓放歌無  
醜顏有懷盡傾吐脂車期屢移馬鳴亦迴顧吁嗟各努

力出處保貞素

家誠示舍弟觀仲隨叔

我申自晉疆上世渺難紀肇始掖縣公征車憩洺水徘徊望都邑山川鬱奇理於焉遂卜宅掛冠尋黃綺維時草昧初林墟雜戰壘地多流允人食力而野鄙令德倡詩書揖讓成仁里孫枝日以繁忠厚有懿軌徵君勵高節譚經繼扶風元纁兩及門謝病老樵農方當盛明時仕宦多從容好爵良足慕性本耽雲松脫身榮辱場孤鶴隨奇蹤

國朝畿輔詩傳

卷十

六

猗歟汝南公窮居饒規畫聖祖駕北巡遂上濟時策傲衣抗高言天顏喜動色委絡登朝堂望陟容臺席天中喪亂後生民多崩迫一麾布德威曠然異疇昔壘書重嘉歎增秩佐方伯歿官一空幃孤魂嗟久客向非郡人力胡以歸窀穸至今月且鄉聲稱重典冊

祖功自百世十葉膺簪裾樸儉寡所營田宅恥贏餘我聞正嘉中冠蓋充長衢尊者秉節鉞霜威著邊隅朝脫登朝烏夕乘下澤車再世而食貧父老爲歛歔

脫落曾王父高吟事杯酒田廬蕩無遺我祖承其後力穡廢詩書強懽慰慈母負米闖閭閻澹然隨所受至德格頑讒薄俗推善誘温恭七十年詒謀良獨厚

祖歿家益衰遺孤嗟六歲內無功期親外無立錫地  
焚祖母軒一身備顛顛燬烟午未興書聲間機杼烈風  
吹茅簷門外豺狼吠我父足殷憂德音恐顛墜

通籍及壯歲雅志在澄清循良播中土藻鑿著銓衡子  
立恥攀援屢爲朝貴傾園居奉板輿養志淡時榮闔  
延高駘聲華凌上京憂當白日頽中夜以屏營

載旆辭承明皇華歷畿邑謁聞秦寇猖至尊憂已亟驅  
馬還入都烽烟道不熄悵望天闕高小臣其何力肉食  
詎足謀天地忽崩圻再拜別慈幃穉子寧復恤殺賊臣  
未能大義有終畢何人秉國鈞我父遭艱厄止水失從  
國朝畿輔詩傳

卷十

七

遊終天恨何極

異代追英靈秩宗備典禮

天章賁黃壚明禋貺

無已

殊恩振末俗臣意豈及此行人式松柏家

聲載汗史吁嗟藐諸孤至行難爲似

少歲承家學高臺振羽翼遭時歷險德遂使壯志失閉  
戶弄柔翰朋遊聲漸溢疎亢多愆尤閱世羨簡默鞠躬  
雁行內念爲諸弟率

汝燈志未堅汝盼穎早露懷古恣討論所未歷世故高  
門招衆指多才失羣附勿羨綺縠榮而厭臬與布先人  
當厄時臬布亦未具

聞昔有高士三旬九遇食我貧未及然何爲終戚戚金  
張多第宅裘馬耀衢術賦命別憂娛人願安有極讀書  
望古人吾當尋所適

貴賤有常業鷄鳴自黽勉昏昏視朝夕志墮筋力緩安  
坐飽梁肉白髮忽已滿智慧老益衰有志不獲展奮迅  
赴前期莫羨嵇康懶  
百行信有託孝友當根株本蝕木亦凋花葉將安敷綺  
帛羅廣庭五鼎敷中厨大義一乖離終身慘不舒妻子  
亦何人乃令骨肉疎

先王別氏族支分旣云久青也介胄人恥附梁公後燕  
國朝畿輔詩傳

卷十

八

秦締宗牒懽然接盃酒豈復論行輩官尊者居右照耀  
驚閭里自云左右手榮華倏以逝棄擲於何有不如思  
本源天屬古所厚

共生天壤間失身備驅使貴賤不同懷安得如臂指服  
食謹所需作息有常理勿矜鞭撻威此子亦人子

任棠避徵召蓬居謝州府太守式里門薤水置屏戶終  
已口不言美名非所取朱門曳長裾譚讌雜纓組罄折  
而周旋無乃自勞苦理亂非我責苟得慙市賈逍遙林  
木間清風吹環堵

崦嵫鬢白日本以息勞思勞人無靜心夢寐遠奔馳瀉

水任方圓花落隨風吹天命有固然巧拙理亦齊君子  
守其常勿爲達士嗤

升沈各異志鳥獸各異羣君行乘華車我行猶負薪下  
車感高義自顧非等倫草野難與居在遠猶可欽相思  
無終歎吾其東海濱

與張逸人覆輿

仲冬天日短北風吹凍澤汝從山中來示我山中作窮  
居增道氣白雲欣有託茲晨奉母還石稜破芒屨登頓  
發奇懷孤烟唳白鶴新詩書滿紙紙盡還再索平生鬱  
幽憤須臾心瞻廓忽如高堂上蕭然見雲壑又如百尺  
國朝畿輔詩傳

卷十

九

松陰巖風落落我行天下久粗能辨美惡大復與空同  
文章備矩矱其餘多瑣細真詩久寂寞鄙夫常黽勉惜  
哉才力薄汝有出世姿至誠敦古學勿以老自衰古人  
事如昨

自采石避兵暮泊澹港

江岸鐘已發江心昏未霽篙師起掛帆笑指北風利琴  
書雜僮僕舟小無餘地北人習鞍馬江行每憂悸竊怪  
舟人子往來如兒戲南來有客船倉皇說趨避前途列  
戰旌江邊亂鐵騎舟人默不語收帆色慘悴數里澹港  
隈黃昏就幽邃細雨溼帆檣遙愛燈火處古人逃軒冕

江湖饒暇豫世亂無水陸鷗鳥驚旂旆江南山水好我  
來與亂會哀哉同苦辛有酒酬君醉

送趙秋水入都

秋城雨方歇匹馬凌輕陰久陰道路清無乃泥潦深人  
生感意氣殺身爲知音曉渡滹沱月醉臥盧溝碣北行  
近霜露况汝薄衣衾沙吹白雁哀遊子難爲心吾弟滯  
京師異方成招尋冠蓋多風波相將返故林

寓金陵簡諸知己

去家日已久天寒益顛顛山寺俯諸峯竹陰得清寄故  
人知我來凌霜枉高轡劇談見古人心膽藏無地今人  
國朝畿輔詩傳

卷十

十

喜梁肉鬼神護權利士貧實可醜胡以當君意折柬張  
夜筵燈下盤殮備子貧與我同乃能致兼味顏熱聽高  
歌歌終帶涕泗四海尙甲兵菰蘆有君輩時危耐曲折  
我拙非其類

憶山居

世態今如此人生亦何慕巖風怨草木春到南郊樹步  
屨入平沙鳧鷖眩屢顧忽見西山來微茫隔烟霧宿昔  
避世心浮雲展幽素朝看漁樵行暮隨猿鳥聚道力苦  
未堅人羣被羈住遙指斷山口知是草堂路舉世喜多  
端朱門無緩步我性實疎頑常恐世人怒耕種難後時

清溪淺可渡山鳥待歸人百年亦朝露

擬古

高樓臨廣陌中有千金姝採蘭朝結帶裁荷晚作襦葳  
蕤閉重闌自樂笙與竽使君驅五馬樓前立踟躕豈無  
媒妁言未敢明區區獨居競高節令名冰雪俱

匡廬吟問李饒州志清

汝從江右返正當秋雁分幾時離却鄱陽水衣裳尙帶  
匡山雲我聞天下匡山絕飛泉百丈吹瓊雪香鑪五老  
沒層雲影入波濤峯勢折聞有陸羽井又有遠公臺李  
白讀書心所好至今魂魄應常來我曾東入吳揚帆下  
國朝畿輔詩傳

卷十

十一

西浙楊子太湖水滿眼吳山北固皆邱垤十載匡廬幽  
夢結西江血滿鄱湖熱兵戈遙隔子猷船汝若曾登可  
細說

水漲歌

城南之水黃拍天漳河滏河同一川橋頽岸圯行人絕  
元雲晝冥無炊烟自從去年九月雪草木焦枯井水竭  
黃沙赤汗拜泥龍甘霖目斷蒼生血不虞平陸走洪濤  
日月滂沱雨伯勞吏人隔岸沈圭馬婦子衝泥就野臯  
我屋多年漏更急門內要須擎箬笠瓦盎銅盆滿復傾  
連牀書畫交愁溼吁嗟我生逢世艱兵戈水旱摧心顏



薄俗况多招禍理漳河近徙何時還堤面水高翻地軸  
年年霪雨愁顛覆轉禍弭災屬郡人不須斬盡淇園竹  
將訪猶龍於晉臬署途中作歌

昔歲來尋燕市酒醉向君堂十有九雪暗泥深晝掩扉  
僕子持書瓶在肘今來君忽去彤庭舊遊落落如晨星  
豈乏綺席金張讌無情絲竹難爲聽病臥禪房十餘日  
騎驢直過行山春草屨晴穿洞壑雲朝舖細嚼山田石  
兩傍積鐵峰迴互傳是淮陰拔趙處過眼雌雄今有無  
亂鴉落日啼巖樹甲申之春寇燄張土門出入失羊腸  
試看險扼今如此一夫詎止千人當人生落絮風前舞  
國朝畿輔詩傳 卷十  
三  
勝敗茫茫自古野客傷心夜不眠窺人月向柴門吐

邯鄲行

西風吹落葉颯颯邯鄲道邯鄲兵火後人家生白草我  
聞邯鄲全盛時朱樓銀燭光琉璃趙女臨窗調寶瑟樓  
前走馬黃金羈卽今富貴皆安在惟有西山青不改不  
見遊俠子白日報讐飲都市亦不見壚邊倡華袿鳳髻  
明月瑤舊城寥落荆榛裏樓臺粉黛皆茫茫城邊過客  
飛黃土城上憑臨日正午照眉池畔落寒鴉不信此地  
曾歌舞探穀沙邱去不迴霸圖消歇更堪哀邯鄲之人  
思舊德至今猶上武靈臺

學仙引

少年寡信好萬事，隨微逐常笑學仙人。服藥死窮谷，患難損精魂。心事恣潦倒，我年方及壯。自覺形容日衰老，側聞廣成子能爲黃金丹。方瞳碧玉杖，逍遙生羽翰。我欲從入崑崙巔，掃花曬藥浮雲邊。縱使學仙不可得，也應高枕送殘年。

春雪歌

北風昨夜吹林莽，雪片朝飛大如掌。南園老梅凍不開，饑鳥啄落青苔上。破屋寒多午未餐，擁衾對雪空長歎。去歲雨頻禾爛死，冰消委巷生波瀾。吳楚并乾江底坼，國朝畿輔詩傳卷十  
三

林慮訪王山人

亂水桃源路，荒村仲蔚家。緣溪收柿葉，留客煮椒茶。丹拱巖前寺，黃雲谷口花。結鄰須共老，踏月度寒沙。

遣興

曝背隨農父，狂歌近夕暄。看山頻倚杖，見月自呼樽。塔影橋邊寺，鷗聲烟外村。樓遲烽火後，何處賦招魂。豈敢名高尚，山園已定居。數椽風雨外，萬事死生餘。避

地尋丹訣傳家有素書天寒松酒熟日日溷樵漁  
星月寒流外衡門對浦橋近簾霜氣逼待酒燭花消避  
世嗟蟬葉浮名悟鹿蕉天南消息斷有夢入江湖  
近闢場西地林端結草亭早涼吹散帙夕鳥下疎櫺山  
翠遠猶見漁歌夜可聽寂寥雲水外矯首問鴻冥

己丑早春

看竹臨烟榭行吟入草亭雪消春水白沙暖麥畦青戰  
伐何時了艱危已備經行年三十一雙鬢早星星  
縣壺腦謁張尚書湛虛先生

結茅飛鳥上秋色滿縣壺白髮增幽事黃冠屈壯圖琴  
國朝畿輔詩傳

卷十

四

樽山月好風雨老臣孤莫訝披雲至淨名此地無

近津門借宿野寺

抱被溪邊寺征衣入妙香地形兼水陸僧語雜興亡久  
雨石門緣先秋塞草黃夜深鐘磬發旅夢忽清涼  
將遊大陸東南和張于蔭周子鈺李又吉

平生江海志烽火阻行舟百里滄波近何難策杖遊就  
涼尋水檻學道引沙鷗莫待芙蓉落蒼茫澤國秋

七月

七月仍殘暑秋蟲已漸聞驚心如遠客伏枕念離羣草  
閣低臨水炊烟細入雲故人隨出處不誦北山文

與諸友遊泉亭寺

樹裏泉亭寺山田一徑斜石開門對井岸落雨衝沙數  
子行秋色孤樽就野花暫來慚更去康樂未離家

寄劉莒石

文烈公孫

先世同朝久龍髯復共攀莫忘忠孝裔各保歲時艱逐  
熱無高士藏名有故山遺文俱血淚讀向白雲間

廣羊絕頂同伯巖作

絕巘秋烟合蒼茫一氣中此行猶築舍萬事已驚弓雨  
沒遙山樹霜催昨夜風陶潛歸去早杖履有人同

久別山園路空慚避世心亂離塵日短高臥野堂深酌

國朝畿輔詩傳

卷十

十五

酒依紅樹看碁坐碧岑桃源開復閉此地可重尋

文登山中回伯巖送至馬服山宿竹林寺明日別去

不盡登臨意黃昏到竹林問人尋草徑隔水聽秋砧雲  
落安禪處僧知出世心夜深高閣冷鐘鼓伴愁吟

曉日浮高塔雞鳴野殿開下看雲外路昨夜此中來砂  
石搖浴水風塵隔相臺共餐松屑罷分手各遲回

南園社集

小築門依寺長堤樹隱城壺觴分野色鐘磬有閒聲徧  
性應難改山田尙可耕且將林外酒高枕聽春鶯

贈人

水花亭影外荻路引衡門  
避事看魚鳥傳經有弟昆  
晚山晴隔雨森木遠浮村  
不到幽棲處誰知養拙尊

路氏妹江南使來

骨肉何由見音書隔歲通  
雨深楊子驛霜白趙王宮  
旅食憐空橐鄉心逐斷蓬  
十年慈母戀淚盡北來鴻

出郭

出郭驚黃葉蹉跎欲白頭  
一年秋又盡萬事晚多愁  
雪嶺迴征雁霜葭隱釣舟  
避暄翻憶客何處覓羊裘  
寶雞巷訪吳見末比部  
卽訂九日之遊

卜宅依寒水朝回只閉關  
見君當落葉此地有空山  
雨國朝畿輔詩傳

卷十

六

歇秋仍暖官貧老更閒  
登高何處好杖履許追攀  
清源久客候妹婿路吾徵  
將自南旋

兩年秋作客此度更淒然  
家近翻無信人來尙各天  
亂沙催岸柳細雨暗江船  
相見應嗚咽臨風淚早縣

固關

一路蒼烟曲雙崖跨石門  
隔林遙負水穴土自成村  
棗栗荒城少陶唐舊俗存  
晚看投宿處鷄犬聚雲根

寄金陵紀伯紫

昔在金臺側逢人問酒徒  
黃花吟入寺白眼臥當壚  
狂任公卿怪清尋霜月孤  
園陵看蔓草血淚幾同枯

與殷伯巖傳掌雷飲酌突泉上有懷邊李諸公  
近郭傳靈瀨飛花漫石灘影翻孤閣動聲助暮秋寒見  
月頻呼酒懷人忽倚闌昔賢遊覽地指點問黃冠

春旱

海上戈初罷方隅亦漸寧風多天旱赤春旱草遲青車  
馬軍輸急帆檣戰血腥不眠思往事離亂恐重經

殷伯巖往寧夏依劉撫軍憲評

西極垂天外攜家此壯遊豈無懷友淚不作望鄉愁水  
雪侵雄劍旌旄雜傲裘莫言雙鯉闕城下大河流

晴

國朝畿輔詩傳

卷十

七

不復衝泥出科頭萬事慵草晴如帶露雲亂自成峯賒  
酒憑秋稼占年問老農怪來香細細澤國滿芙蓉

閉戶

滄海尋無計年華閉戶中挂衣翻竹露移榻引槐風交  
態貧初見繁文薄益工此生安伏枕未敢怨途窮

寄懷容城孫鍾元先生隱居蘇門

結屋依泉樹鬚眉見古人衰年仍向學薄俗自相親萬  
死扶鉤黨孤忠有逸民近村成井邑半是舊比鄰

金盃思龍馭柴門謝鶴書半年常作客萬事此揮鋤山  
鳥依茅棟泉花照筍輿尙嫌車馬聒深谷欲逃虛

地自孫登後高名屬許衡君來前蹟掩更覺百泉清饌  
薄供春蕨冠存濯舊纓向時親捧杖谷口約同耕

方爾止來

江左推高隱胡爲今在茲可憐烽火後正值雪霜時舊  
好君休問人情我漸知回看春日暖且與醉茅茨

醉臥金陵雪俄驚十七年餘生安塞土無路向江天到  
處驅征馬何人守釣船因君念耆舊把酒忽淒然

與張覆輿約居林慮

擬結衡茅萬石間青鞵白袷掩松關心同鶴鶴常依水  
名愧巢由却買山草沒金臺邊馬動雲生竹榻野僧閒

國朝畿輔詩傳

卷十

七

肯從曳杖黃花谷爲覓丹砂駐老顏

晚過甯元著

地鑪簾閉小堂春燭下開筵坐錦茵幸有壺觴消晚歲  
不愁風雪阻比隣歡娛再見青陽節離亂難禁白髮身  
冉冉百年吾自醉莫言人世有風塵

九日遲客不至

今年九日寒太早菊花未放風淒淒野檻無人草亦死  
沙村多雨蟲亂啼已命山妻開臘酒頻看穉子摘霜梨  
好客不來秋易過况聞西南多鼓鼙

行藏

行藏久已付黃冠  
手種疎楊倚碧湍  
樵徑看雲隨蠟屐  
山厨供客恃魚竿  
鷗鳧白汎晴沙潤  
薜荔青圍野榻寒  
不是行歌耽寂樂  
江湖水渺雁歸難

懷太原傅青主

會約溪村訪釣竿  
數年設榻待君歡  
亂離苦憶良朋少  
衰病應愁遠道難  
晉國山川容白髮  
中原天地此黃冠  
幸將卷帙傳高蹟  
日向晴窗展畫看

登城南水閣步張覆輿韻

秋光遙入望秋心  
野藁平橋水半侵  
病信方書初斷酒  
悶登幽閣屢攜琴  
沙蟲挹露鳴衰草  
海雁衝寒掠遠林  
國朝畿輔詩傳

卷十

五

風景不殊人欲老  
誰憐雙淚落清砧

答李長文姜滙思二太史

早向空山戀薜蘿  
蒼藤古樹伴行歌  
邊霜夜冷驚鴻雁  
宮草秋深牧駱駝  
近日文章都下好  
三年涕淚野人多  
柴門水隔平橋斷  
莫訝無言到玉珂

寄宋吏部玉叔

風雨常懷宋玉悲  
嶽雲海樹遠離離  
春生太液魚龍嘯  
月滿空陂雁鶩飢  
先輩風流成李賀  
同時歌詠附王維  
定知脫畧能傾倒  
竹杖從爲汗漫期

白侍御函三先生祝髮隱清凉山



野寺清齋衲子同石橋紅葉飽天風世情不到孤雲外  
心事全消半偈中海國傳來新白馬山人誰識舊青驄  
不嫌詩酒污禪地聽法常來就遠公

雪後訪胡遜谷不遇聞赴張岫村莊

歲殘羣向市城忙君獨攜書赴草堂野外人情真脫畧  
老來心事易悲涼枯林半露遙山白饑雀低鳴宿草黃  
爲問平安窗下竹春風何日待飛觴

秋水避亂出郭借寓小園

西來烽火照邊樓汝亦閒身可自由出郭許同妻子去  
移家獨爲水雲留林端避客從張蔚竹下吟風待子猷  
國朝畿輔詩傳

卷十

三

戎馬數年心欲折見君飄泊益添愁

西來無才

窗下平田細路分樵歌幾處遠猶聞濤聲夜落漳南樹  
山色晴分冀北雲曲岸人家依紫蓼衡門客到煮青芹  
無才合就窮途老車馬休驚白鷺羣

年來

年來萬事總沾巾又見西風動白蘋莫負秋光須縱酒  
每逢新月倍懷人嵇康避俗名猶累杜甫傷時懶是真  
南北烽煙今更甚天涯何處著閒身

春過

小園春過綠成圍鳥雀聲閒客到稀性好遊遨貧懶出  
身多閱歷晚知非漫因白髮憎明鏡敢恃輕寒換薄衣  
聞道溢陽花欲盡可憐寂寞度芳菲

春郊

晴煙落日淨暉暉坐愛村橋晚未歸亂後鶯花春自好  
城中車馬客來稀浦沙向暖鴛鴦臥徑草初青蛺蝶飛  
待到南園花滿樹相過百徧定無違

初夏柬社中諸子

溪邊昨夜長新荷每向疎陰臥短簑閉戶十年詩興懶  
論交近日酒人多孤村水濶浮郊樹小徑春閒帶女蘿  
國朝畿輔詩傳 卷十  
已報甕頭松色老柴門日日待君過

主

山中回寄吳下故人

西來雲木隱秋山草屨孤筇信往還半畝家留煙水外  
十年身老亂離間燈前濁酒酬黃菊江上殘荷待白鷗  
橘柚滿園烽火絕幾時雙槩問吳關

清源寺夜有懷舍弟觀仲隨叔

西風牢落贊公房百里滄波是異鄉誰解綈袍遮短褐  
幸留明月伴空牀雁來古渡天如水葉下秋城徑有霜  
諸弟故園黃菊滿卽今何處擁壺觴

靈巖寺

天畔靈巖已昔聞石橋花雨正紛紜楓林亂掩浮圖出  
黛色遙從泰嶽分古殿橫闌迷赤箭秋泉帶葉下青雲  
伊蒲會罷僧厨飯倚杖看碑到日曛  
雲外笙簧擁碧霞遊人爭看鐵袈裟虛巖白映山南日  
老菊黃垂洞口花溪水過橋喧鶴鶴松根出石走龍蛇  
飛梯萬仞棲真地可許尋源問鹿車

長安雜興

黃榆霜老角聲哀萬里風雲塞上來到處狼裘圍蹴踘  
四時龍管動蓬萊憂天憶上劉蕡策失路難登郭隗臺  
蕭寺雪深鐘鼓後可憐燈影撥寒灰

國朝畿輔詩傳

卷十

三

日落蘆溝沙亂飛城頭風雨折旌旂囊空尙欲沽鄰酒  
秋盡何人問客衣絕域草衰蒼隼健故園溪淺白魚肥  
朱門夜夜鳴簫鼓未許羈愁夢暫歸

出都前一日韓聖秋紀伯紫徐德蜚張青瑀鄧叔  
奇集龔孝升先生龍松館分韻得真字

十載垂竿愧隱淪暫來京國益酸辛人情漸覺悲歌少  
酒客依然意氣真塞外霜高迴雁影松間月小照龍鱗  
明朝匹馬燕南路冰雪將無念遠人

張覆輿往依龔離使公冶久無消息

太行春樹幾重煙老別庭幃亦可憐錦水有人留杜甫

素屏何處覓張顛  
浮生半寄青山  
道萬事難酬白髮年  
正是中條花滿谷  
故園遙待紀遊篇

晉陽喜晤明州周茂山

四月邊霜吹寶刀  
官厨漉酒見縑袍  
山圍樓閣春花暮  
人望關門漢月高  
亂後羨君棲絕域  
狂來隨地著吾曹  
黃昏細語天台寺  
杖底如聞萬壑濤

夜溪

昨夜山雲黑  
沙邊見新漲  
夜靜水空明  
魚遊星月上  
寄伯巖

不愛蘭陵酒  
還山弄石瀨  
全家住碧空  
書聲落天外

國朝畿輔詩傳

卷十

三

南園

孤亭高峙溢河干  
落日松陰下碧湍  
山鳥亂啼人醉臥  
野花吹滿鹿皮冠

宿野刹

醉到禪扉已二更  
還從支遁說無生  
幽簾不動空香滿  
午夜蒲團落磬聲

寄懷路妹婿吾徵

風雨難招客子魂  
浮家萬里臥江村  
姑蘇臺上應回首  
白日寒煙是薊門

中原消息問征鴻  
衰草遙連碣石宮  
最是愁人秋色裏

江南江北盡丹楓

十年烽火老愁顏海外孤雲去不還我昔題詩應尚在  
相思常到洞庭山

題人野亭

溪上孤亭草樹幽月明常醉木蘭舟門前處處秋瓜滿  
猶恐人疑是故侯

黃花谷

竹杖尋源入上方滿山榭葉晚蒼蒼亂碑零落遊人少  
一道飛泉下夕陽

溪上

國朝畿輔詩傳 卷十

十

微霜昨夜下庭槐水畔閒登萬里臺兩岸蘆花飛白雪  
午橋煙裏一舟來

茅堂

小院茅堂近郭門科頭竟日擁山樽夜來葉上瀟瀟雨  
窗外新栽竹數根

泛舟明湖

女牆倒影下寒空樹杪飛橋渡遠虹歷下人家十萬戶  
秋來俱在雁聲中

清源望路妹婿不至

胥江六月理歸舟客底霜華塞雁秋望盡落帆人未到

滿天紅葉下寒流

國朝畿輔詩傳

卷十

五

國朝畿輔詩傳卷十

終

10331

